

Mak ndê ηawaê ηayham Yom whê ηawaê ηayham dindec sa-ηga

Mak in̄ Yisu ndê ηgacsêηomi 12 si dan̄ dom, magoc in̄ tiatu yêc Jerusalem ma gêlic gêη hon̄ nan̄ Yisu kôm têt̄η ndoc dinaη. Tin̄ambu Mak kêsêlêη whin̄ Pita têt̄η ndoc Pita gêm mêtê, ma to ηawaê ηayham pi Yisu kékuc mêtê nan̄ Pita gêm. Lau ηatô gauc gêm bu yom nan̄ Mak to yêc 14:51-52 nan̄ hêganôη in̄ dau. Tin̄ambu in̄ gêm Pol lu Banabas sa tu in̄lu si gwelen-ηga. Alic yom ηatô pi in̄ yêc Apo 12:12, 25; 13:5, 13; 15:36-39, ma yêc Kol 4:10 ma 2 Tim 4:11.

Mak to yom daêsam pi gwelen̄ nan̄ Yisu kôm, magoc yom daêsam nan̄ Yisu sôm tu bu êndôhôn̄ lau-ηga, nan̄ in̄ to dom.

*Jon kêmasaη Yisu ndê sen̄
(Mat 3:1-12; Luk 3:2-16)*

¹ Yom dindec gic hu ηawaê ηayham pi Anötö ndê Atu Yisu Kilisi.

² Mun̄-ηga, propet dan̄ to yom nan̄ Anötö sôm têt̄η in̄ ndê Atu bocdec bu:

Aö wakêη aneη ηgac aheη-ηga mun̄ am. In̄ oc êmasaη am nem sen̄. *[Mal 3:1]*

Ma propet Aisaya to Anötö ndê yom pi ηgac aheη-ηga dau bocdec bu:

³ N̄amalac daŋ ta yom mbo gameŋ sawa bocdec bu, ‘Amasaŋ Pômdau ndê seŋ tisolop. Amasaŋ nem ŋalôm bu akôc iŋ sa.’ *[Ais 40:3]*

⁴ Yom dau ŋandô sa pi Jon, N̄gac Kêku Lau-ŋga, naŋ tiŋambu hôc asê ma gêm mêtê mbo gameŋ sawa. Iŋ sôm têŋ lau bu sêliŋ saŋgu tu bu sêtôc asê bu sêkac si ŋalôm kwi ma sêhu mêtê sac siŋ, dec Anötö oc suc ŋac si sac kwi. ⁵ Lau daêsam akêŋ malac Jerusalem, ma akêŋ malac hoŋ yêc gameŋ Judia-ŋga, sêsa sêtêŋ Jon si. N̄ac sêhoc si sac asê, ma iŋ kêku ŋac yêc Bu Jordan.

⁶ Jon sôc ŋakwê naŋ sêmasaŋ ŋa kamel ŋamlichu, ma kic piŋkap yêc iŋ ŋampêbalê. Ma iŋ gêŋ gêŋ bambaliŋ gitôm wakô ma lêp. ⁷ Iŋ gêm mêtê ma sôm têŋ lau bocdec bu, “N̄gac daŋ oc meŋ êŋkuc aö, naŋ ndê ŋaclai hôc gêlêc aö neŋ su. Aö ŋgac ŋambwa dec gitôm dom bu wati iŋ ndê ŋgac akiŋ naŋ pôn sic ma kêgapwêc iŋ ndê atapa ŋawalô. ⁸ Aö kaku mac ŋa bu ŋambwa, tigeŋ iŋ oc êŋku mac ŋa N̄alau Dabuŋ.”

Jon kêku Yisu

(Mat 3:13-17; Luk 3:21-22; Jon 1:32-34)

⁹ Têŋ têm dinaŋ Yisu meŋ akêŋ malac Nasaret yêc gameŋ Galili-ŋga, ma hôc asê Jon. Ma Jon kêku iŋ yêc Bu Jordan. ¹⁰ Têŋ ndoc Yisu pi akêŋ bu meŋ, iŋ gêlic undambê kac sa, ma N̄alau Dabuŋ gêm balusi aŋgô, ma sip têŋ iŋ meŋ. ¹¹ Goc awha daŋ sa akêŋ undambê, naŋ sôm, “Aö Atuŋgac atac whiŋ-ŋga am. Aö gatisambuc am ŋandô.”

Sadaŋ kêsahê Yisu

(Mat 4:1-11; Luk 4:1-13)

¹² Dinaŋ su, goc N̄alau wê Yisu sa gameŋ sawa gi, ma iŋ mbo tawasê. ¹³ Tôm bêc 40 iŋ mbo gameŋ

sawa, ma Sadan kêsahê bu êntôm in. In mbo whin bôc gameŋ sawa-ŋga, ma aŋela sem akiŋ in.

Yisu gic hu in ndê gwelen

¹⁴ Tinambu †Herod kêkiŋ in ndê lau siŋ-ŋga bu sêkôc Jon dôŋ, ma sêkêŋ in ndöc gapocwalô. Têŋ têm dinaŋ Yisu gêm mêtê ma hoc Anötö ndê ŋawaê ŋayham asê têŋ lau yêc gameŋ Galili-ŋga. ¹⁵ In sôm, “Têm naŋ Anötö kêyaliŋ sa, naŋ meŋ sa su. †Anötö ndê gôliŋ meŋ kêpiŋ su. Bocdinaŋ anem nem ŋalôm kwi, ma akêŋ whin Anötö ndê ŋawaê ŋayham.”

Yisu mbwêc laungac hale tu sêŋkuc in-ŋga
(*Mat 4:18-22; Luk 5:1-11; Jon 1:35-42*)

¹⁶ Têŋ bêc dan Yisu kêsêlêŋ mbo Bugicton Galili ŋamakê, ma gêlic Saimon lu asi Andru. Inlu ŋac lu sêkôc i-ŋga, ma sem gwelen sêkêŋ wasaŋ sip bu sêmbo. ¹⁷ Ma Yisu sôm têŋ inlu, “Amlu amêŋ aŋkuc aö, ma aö wakêŋ amlu ahê ŋamalac sêmeŋ sêŋkuc aö, tôm naŋ kwahic dec amlu ahê i.” ¹⁸ Ma ŋagahô inlu sêtec si wasaŋ yêc, ma sêŋkuc in.

¹⁹ In kêsêlêŋ ŋasawa sauŋ, ma gêlic Sebedi ndê atu lu, Jems lu Jon. Sêndöc waŋ dan ma sêmasaŋ si wasaŋ naŋ kic. ²⁰ Yisu mbwêc inlu bu sêmeŋ sêŋkuc in, goc sêhu damba Sebedi ti lau naŋ sêkôm gwelen sêwhin in, naŋ siŋ sêmbo waŋ, ma sêŋkuc Yisu.

Yisu kêdôhôn lau ma soc ŋalau sac yêc malac Kapenaom
(*Luk 4:31-37*)

²¹ Yisu kôc lau hale dinaŋ ma sêŋsêlêŋ sêtêŋ malac Kapenaom si. Sêhóc asê têŋ bêc Sabat-ŋga dan, ma Yisu sôc †lôm wê-ŋga gi, ma gic hu kêdôhôn

lau. ²² Ma lau Kapenaom-nga sêhêdaê tu in ndê yom-nga, bu in kêdôhôn ñac gitôm kêdôhônwaga ti ñac lai atu, hóc gêlêc lau Israel si ðkêdôhônwaga yomsu-nga hon su.

²³ Ngac dan ndöc lôm wê-nga dinan, nan ñalau sac mbo in ndê ñalôm. In ta yom bocdec bu, ²⁴“Ei! Yisu Nasaret-nga. Aö kayalê am, am ngac dabun nan Anötö kêkin. Am bu kôm sake têt yac? Am mwen bu señ yac su, a?” ²⁵ Magoc Yisu hec yom ñalau sac ma sôm, “Am maman ma hu in sin!” ²⁶ Goc ñalau sac kêmwanan ngac dau ti ñanğa ma hu in sin ti mbwêc atu.

²⁷ Tu dinan-nga lau hon sêhêdaê ma sêndac dandi, “Gêñ bocke dec? In kêdôhôn yac ña lêt wakuc ma ti ñac lai atu. Ma in kôc ñac lai pi ñalau sac whin, bu in kêñ yatu ñac, ma sêsôc in ndê yom ñapu.” ²⁸ Ma tinambu lau sic min yom pi gêñ dau, e ñagahô en in ndê waê gêm gameñ Galili-nga hon ahuc.

*Yisu gêm lau gêmbac daêsam sa
(Mat 8:14-17; Luk 4:38-43)*

²⁹ Ñac sêhu lôm wê-nga dinan sin, ma Saimon lu Andru sêkôc Yisu, Jems ma Jon ma sêtên inlu si andu si. ³⁰ Saimon ndê lawawê gêmbac lic ñandê ma yêc andu dau ñalôm, ma lau sêkên ñawaê têt Yisu. ³¹ Bocdinan Yisu têt in gi, kêm in sip amba ma keñ in sa. Ma gêmbac hu awê dau sin, ma in gêm akin ñac.

³² Têt telha dinan têt ndoc ac gi sip, nan lau malac-nga sêhon lau gêmbac daêsam ti lau nan ñalau

sac sêmbô si ñalôm, ma sêkôc ñac sêtêñ Yisu sêmenj.*
³³ Lau malac-nga honj sêkac dau sa, sêmbô andu dau ñamakê. ³⁴ Ma Yisu gêm lau ti gêmbac tidau-tidau daêsam dinañ sa, ma soc ñalau sac daêsam su yêc lau. Tigenj inj kêñ yao ñalau sac bu sêsôm inj asê dom, ñahu bu ñac sêñyalê bu inj †Mesaya dau.

Yisu hu malac Kapenaom sinj
(Luk 4:42-44)

³⁵ Têñ ñagalañsê ac pi menj su dom ma Yisu tisa ma hu malac dau sinj. Inj sa gi bu mbo tawasê ma tenj mbec. ³⁶ Saimon ma lau ñatô nañ sêwhinj inj, nañ sêsa si bu sêñsalê inj. ³⁷ Ma têñ ndoc sêtap inj sa, nañ sêsôm têñ inj bu, “Lau honj sêñsalê am.”
³⁸ Magoc Yisu ô yom ma sôm, “Aô oc wambo malac tigenj dinañ dom. Dalhö datêñ malac nañ sêyêc gameñ ñamakê-nga dandi, bu wanem mêtê wambo dinañ. Tu gwelenj dinañ-nga dec aô gameñ.”

³⁹ Ma tinjambu inj kêsêlêñ golom-golom malac honj yêc gameñ Galili-nga. Inj gêm mêtê mbo lau si lôm wê-nga, ma soc ñalau sac daêsam su yêc lau.

Yisu kôm ñgac ti gêmbac leprasi ñayham sa
(Mat 8:1-4; Luk 5:12-16)

⁴⁰ Têñ bêc dañ, ñgac ti gêmbac †leprasi dañ têñ Yisu gi. Inj pônj haduc ma tenj Yisu bu nem inj sa. Inj sôm, “Am bu tac whinj, dec gitôm bu am oc kôm aô ñamlic ñawasi sa.” ⁴¹ Yisu tawalô inj, dec kêmatôc amba sa gi ma kêmasec inj, ma sôm, “Aô

* **1:32:** Lau Israel si yomsu Sabat-nga gic yao lau bu sêñsêlêñ senj baliñ me sêkôm gwelenj têñ bêc Sabat-nga dom. Magoc bêc Sabat-nga ña-yao pacndê têñ ndoc ac gi sip. Tu dinañ-nga dec lau sêhônj e ac gi sip su, goc sêkôc si lau gêmbac sêtêñ Yisu si.

atac whin, dec wasôm têtj am bu ñamlic ñawasi sa.”
⁴² Ma ñagahô eñ gêm bac dau hu in siñ, ma in ndê ñamlic ñawasi sa. ⁴³⁻⁴⁴ Goc Yisu kêkin in têtj †dabuñsiga gi, ma sôm ti ñanğa têtj in, “Am ñgô! Gêñ nan kwahic dec hôt asê am, nan sôm asê têtj lau dan dom. Tigen têtj dabuñsiga ndi, ma tôc daôm têtj in bu lic bu am nem ñamlic ñawasi sa su. Ma kêñ da tu am ñamlic ñawasi sa-nga tôm yomsu nan Moses kêñ têtj yac. Ma ñalêñ dinan lau hon oc sênjalê bu am ñamlic ñayham sa.” ⁴⁵ Ma ñgac dau sa gi ma gic min pi gêtj dau e yom dau tiapa. Tu dinan-nga lau hon takwê Yisu, dec in tec bu sôt malac dan yêc lhu. In mbo gameñ ñamakê-nga, magoc lau akêñ gameñ hon sêwê sêtêtj in si ñapan.

2

*Yisu kôm ñgac bôlin dan ñayham sa
 (Mat 9:1-8; Luk 5:18-26)*

¹ Bêc ñatô ginga su, goc Yisu sôt malac Kape-naom tiyham. Ma lau malac-nga sênğô ñawaê bu in mbu meñ ndôc andu dan. ² Goc lau daêsam sêkac dau sa, ma Yisu gêm mêtê ñac. Lau daêsam andô sêkac sa e ñasawa mba yêc andu ñalôm ma yêc ñasactô bocdinañ. ³ Ma launğac hale sêmbalañ ñgac bôlin dan yêc sac dan sêmeñ, ma bu sêtêtj Yisu sêndi. ⁴ Magoc lau daêsam dinan sem gameñ ahuc, ma tu dinan-nga dec ñac sêpi andu ñapoc lôlôt si, ma sêkac poc sa ma sêmasañ ñalasê dan yêc gameñ nan Yisu kalhac, nan ñahô-nga. Goc sênwhañ sac ti ñgac bôlin sip têtj Yisu gi. ⁵ Yisu gêlic gêtj dinan ma kêyalê bu ñac sêkêñ whin in, goc sôm têtj ñgac

bôlin, “Aneŋ balê, kwahic dec aö wasuc am nem sac kwi.”

⁶ Têŋ ndoc dinan kêdôhônwaga yomsu-ŋga ŋatô sêndöc andu dau. Sêŋgô Yisu ndê yom dau, ma gauc gêm yêc ŋac si ŋalôm, ⁷ “Anötö tigenŋ gitôm bu suc sac kwi. Ma bocke ŋgac dindê sôm yom kainŋ dinan? In ndê yom sac sambuc.” ⁸ Yisu kêyalê ŋagahô bu ŋac gauc gêm yom bocdinaŋ, dec in sôm têŋ ŋac, “Tu sake-ŋga mac gauc gêm yom bocdinaŋ? ⁹ Mac akêŋ whiŋ dom bu aneŋ ŋaclai yêc bu wasôm têŋ ŋgac bôlin dindêc bu wasuc in ndê sac kwi. Bocdinaŋ aö wasôm têŋ in, ‘Tisa, kôc nem mbô sa ma êmsêlêŋ.’ ¹⁰ Ma têŋ têm mac alic aneŋ yom dau ŋandô sa, dec aŋyalê bu Anötö kêŋ ŋaclai têŋ †Ŋamalac ndê Atu yêc nom, bu suc ŋamalac si sac kwi whiŋ.” Goc Yisu sôm têŋ ŋgac bôlin, ¹¹ “Aö wasôm têŋ am bu tisa, kôc nem mbô sa, ma lhö têŋ nem andu ndi.” ¹² Ma ŋgac dau tisa yêc lau hoŋ aŋgô-ŋga, kôc ndê mbô sa ma kôlhö gi. Gêŋ dau kôm lau hoŋ sêhêdaê ŋandô. Sêmpinŋ Anötö ma sêsôm, “Gêŋ kainŋ dindêc, yac alic dan su dom.”

*Yisu kêgalêm Liwai bu êŋkuc in
(Mat 9:9-13; Luk 5:27-32)*

¹³ Tiŋambu Yisu sa gi mbo bugictonŋ ŋamakê tiyham. Lau daêsam sêsa si sêŋkuc in, ma in kêdôhônŋ ŋac. ¹⁴ Ma tiŋambu in kêsêlêŋ gi e gêlic †Liwai, Alpayas ndê atuŋgac ndöc ndê mala kôc takis-ŋga. Goc Yisu sôm têŋ in, “Êmkuc aö.” Ma Liwai tisa ma kêkuc in.

¹⁵ Têŋ bêc danŋ Yisu ti in ndê ŋgacsêŋomi seŋ gêŋ sêndöc Liwai ndê andu. Ma lau sêkôc takis-ŋga ma lau daêsam nanŋ lau bata Israel-ŋga sêsam bu lau sac

naŋ sêndöc sêwhiŋ ŋac, bu lau kainŋ dinaŋ sêŋkuc Yisu tômbêc hon. ¹⁶ Ma lau †Palêsai si kêdôhônwaga yomsu-ŋga ŋatô sêlic bu Yisu gêŋ gêŋ ndöc whiŋ lau takis-ŋga ti lau sac dinaŋ. Goc sêsôm têtŋ iŋ ndê ŋac-sêŋomi, “Tu sake-ŋga iŋ gêŋ gêŋ whiŋ lau takis-ŋga ti lau sac?” ¹⁷ Yisu ŋgô yom dau, ma sôm têtŋ ŋac, “Lau naŋ sêlic dau bu gêmbac mba, naŋ oc sêŋsalê dokta dom, magoc lau ti gêmbac oc sêŋsalê dokta. Aö gameŋ bu waŋgalêm lau naŋ sêlic dau bu lau gitêŋ, naŋ sa dom, aö gameŋ bu waŋgalêm lau sac sa.”

Yao gêŋ danen-ŋga-ŋga
(*Mat 9:14-15; Luk 5:33-35*)

¹⁸ Jon, Ngac Kêku Lau-ŋga ndê †sêŋomi ti lau Palêsai sêkêŋ bêtŋ ŋatô bu sêneŋ gêŋ dom tu gauc nem Anötö-ŋga, magoc Yisu ndê ŋgacsêŋomi sêkôm dom. Ma lau ŋatô sêmeŋ ma sêndac Yisu bocdec bu, “Tu sake-ŋga Jon ndê sêŋomi ma lau Palêsai si sêŋomi sêhu gêŋ danen-ŋga siŋ tu gauc nem Anötö-ŋga, magoc am nem ŋgacsêŋomi sêkôm dom?” ¹⁹ Goc Yisu sôm têtŋ ŋac, “Ngac nem awê-ŋga danŋ bu êŋgalêm lau sa sêmbô sêwhiŋ iŋ bu sêneŋ mwasiŋ nem awê-ŋga, dec oc tômbêc dom bu sêhu gêŋ danen-ŋga siŋ têtŋ ndoc ŋgac dau mbo whiŋ ŋac. Nalêŋ tigeŋ kwahic dec aö gambo gawhiŋ anenŋ ŋgacsêŋomi ma oc tômbêc dom bu sêhu gêŋ danen-ŋga siŋ. ²⁰ Tigeŋ ndoc oc meŋ naŋ lau oc sêkôc aö su yêc ŋac, ma têtŋ ndoc dinaŋ ŋac oc ŋalôm ŋawapac, ma sêŋkuc lêtŋ dahu gêŋ danen-ŋga siŋ-ŋga.”

Yisu ndê yom gitôm gêŋ wakuc
(*Mat 9:16-17; Luk 5:36-39*)

21 Ma Yisu sôm, “Yac dasi po wakuc pi ñakwê akwa nañ kic, nañ dom. Bu po wakuc oc hôc ñakwê akwa kic, ma gêñ dau oc tisac sambuc. 22 Ma têtñ ndoc lau s êmasañ wain wakuc, nañ sêkêc sip bôc ñamlic wain-nga akwa dom. Mba! Ñac bu sêkôm, goc wain wakuc oc hôc ñamlic akwa kôc ma wê sa niñga. Ma bôc ñamlic oc tisac bocdinañ. Wain wakuc dakêc sip bôc ñamlic wakuc.”

*Yisu in Pômdau bêc Sabat-nga
(Mat 12:1-8; Luk 6:1-5)*

23 Têtñ bêc Sabat-nga dañ Yisu ti ndê †ngacsêñomi sêñsêlêñ sêmbo lôcwaha dañ nañ gic ôm wit-nga dañ kic. Ma in ndê ngacsêñomi sêkôc wit ñandô ñatô bu sêneñ. 24 Ma lau Palêsai ñatô sêlic gêñ dau ma sêsôm têtñ in, “Lic gêñ nañ am nem ngacsêñomi sêkôm. Tu sake-nga ñac sêkôm gwelen nañ yac neñ yomsu gic yao bu dakôm têtñ bêc Sabat-nga dom?” 25-26 Yisu ô ñac si yom ma sôm, “Gauc nem yom nañ sêto pi gêñ nañ Kiñ Dawid kôm. Mac asam su, me? Têtñ ndoc nañ Abiata in †dabuñsiga ñamata-nga, nañ Dawid ti lau nañ sêwhiñ in, nañ sêpônnda dau ma gêñ yô ñac. Goc Dawid sôc Anötö ndê andu gi, ma gêñ bolom dabuñ nañ lau sêkêñ ti da, nañ Moses kêtñ yao bu lau dabuñsiga tawasê oc sêneñ. Ma in kêtñ têtñ lau nañ sêmbo sêwhiñ in, ma ñac sen. Magoc lau dañ sêngôliñ yom pi Dawid ma sêsôm bu in kêtñ yomsu lec dom.”

27 Ma Yisu gic têtñ yom ma sôm, “Bocdinañ akôc gauc ñapep pi yomsu. Anötö kêtñ bêc Sabat-nga bu nem ñamalac sa. In kêtñ ñamalac tu bêc Sabat-nga dom. 28 Ñamalac ndê Atu in gêñ honñ ñadau, ma in Pômdau Sabat-nga whiñ.”

3

Yisu kôm ngac amba balê nayham sa têtj bêc Sabat-nga

(Mat 12:9-14; Luk 6:6-11)

¹ Têtj bêc danj tiyham Yisu sôc lôm wê-nga gi. Ma ngac amba tibalê danj ndöc. ² Palêsai natô sênsalê yom bu sêngôlinj pi Yisu, dec sêtij inj napep bu mboe inj oc kôm ngac dau nayham sa têtj bêc Sabat-nga, dec njac oc sêsôm bu inj kêgijil yomsu Sabat-nga. ³ Yisu sôm têtj ngac nanj amba tibalê, “Tisa, ma lhac njalhu whinj aô.” ⁴ Dec inj ndac lau honj bocdec bu, “Gênj bocke oc êngijil yomsu Sabat-nga? Dakôm nayham têtj lau, me dakôm sac têtj lau? Danem njamalac sa, me datec njac sêmbac ndu?” Magoc njac honj sem dôj. ⁵ Inj tahê njac ma tac njandê sa, ma njalôm njawapac tu njac si njalôm njadandi-nga. Goc inj sôm têtj ngac dau, “Êmatôc amam.” Ma njac dau kêmatôc amba, ma amba dau nayham sa tiyham.

⁶ Têtj dinanj lau Palêsai sêhu lôm wê-nga dau sinj ma sêsa si. Ma njac sêndöc sêwhinj lau Israel-nga nanj tac whinj Herod ma lau Rom-nga si gôlinj, ma njac honj sêkôc gauc pi lênj sêndic Yisu ndu-nga.

Yisu kêdôhônj lau ma kôm gêmbac nayham sa
(Luk 6:17-19)

⁷ Yisu ti ndê njgacsênomi sêtênj bugictonj si, ma lau daêsam sênjkuc njac. Njac lau akênj gamej Galili-nga ma gamej Judia-nga, ⁸ ma akênj malac Jerusalem ma akênj gamej Judia ma Idumia-nga ma akênj Bu Jordan njadanga, ma akênj malac Taya ma Saidon njagamej. Lau daêsam dinanj sêngô njawaê pi gênj nanj Yisu kôm, dec sêsa sêtênj inj si.

⁹ Yisu gêlic lau tonj atu nanj bu sêngapiņ inj sa, dec sôm têtj ndê ngacsêņomi bu sêmasanj wanj sauj danj tu inj pi ndi ndöc-ņga. ¹⁰ Inj sôm yom dinanj űahu bu inj kôm lau gêm̄bac daêsam űayham sa su e lau daêsam ti gêm̄bac sêkôm mwasac bu sêmasec inj. ¹¹ Ma têtj ndoc lau ti űalau sac sêlic inj, nanj sêhu dau sêyêc inj anjô-ņga, ma űalau dau sêmbwêc yom asê bocdec bu, “Am Anötö ndê Atu.” ¹² Tigenj Yisu kêtj gic yao űanja bu sêsôm inj űahu asê dom.

*Yisu kêtjalinj űgacsêņomi 12 sa
(Mat 10:1-4; Luk 6:12-16)*

¹³ Tinjambu Yisu pi lôc danj gi ma mbwêc lau nanj inj atac whiņ, nanj sêtêtj inj sêmenj. ¹⁴ Goc inj kêtjalinj űac si lau 12 sa, ma sam űac bu †Aposel, bu űac oc sêmbo sêwhiņ inj, ma inj oc kêtj űac sêsa sêndi bu sênem mêtê. ¹⁵ Ma inj kêtj űaclai têtj űac bu sêsoc űalau sac su. ¹⁶ Aposel 12 nanj Yisu kêtjalinj űac sa, nanj bocdec: Saimon (nanj inj sam bu Pita), ¹⁷ Jems lu Jon (Sebedi ndê atu lu nanj Yisu sam bu ‘wapap atui’), ¹⁸ Andru, Pilip, Batolomeas, Matyu, Tomas, Jems (Alpayas ndê atu), Tadaus, Saimon (nanj sêsam bu ‘űgac †Selot’), ¹⁹ ma Judas Iskeriot, űgac nanj tinjambu hoc Yisu asê.

Lau sêņgihij Yisu ahuc űapanj

²⁰ Yisu sôc andu danj gi, magoc lau tonj atu sêsap inj dôņ űapanj e űasawa mba bu inj ti ndê űgac-sêņomi sênenj gêtj. ²¹ Gêtj dau űawaê tap Yisu dinda ti asii sa, dec űac sêsôm, “Inj ndê gauc tisac.” Bocdinanj dec sêtêtj inj si bu sêkôc inj sa ndi.

*Yisu ndê űaclai űahu
(Mat 12:22-32; Luk 11:14-22)*

²² Têñ tēm dinañ kêdôhônwaga yomsu-nga ñatô sêmenj akêñ Jerusalem ma sêñgôliñ yom pi Yisu bocdec bu, “Ñalau sac si ñadau †Belsebal gêm gôliñ in, ma kêñ ñaclai têt in bu soc ñalau sac su.” ²³ Goc Yisu mbwêc ñac sêtigasuc in, ma ô ñac si yom ña yom gôliñ dan bocdec bu, “Bocke ma Sadañ oc soc Sadañ? ²⁴ Gôliñwaga dan ndê lau bu sêkêñ kisa dau, dec in ndê gôliñ oc pacndê. ²⁵ Ma gôlôwac dan bu sêwhê dau kôc, dec oc sêlhac ñannga dom. ²⁶ Ma Sadañ bu kêñ kisa têt dau ma whê dau kôc, dec in oc lhac ñannga dom, in ndê ñaclai oc pacndê. ²⁷ Anğô! Sadañ in gitôm ñac ti licwalô atu, ma yac bu dasôc ñac ti licwalô atu dan ndê andu bu tanğaho in ndê gêt, nan gêt ñamata-nga dasô in dôn, goc tanğaho in ndê gêt.

²⁸ “Yomandô aô wasôm têt mac. Ñamalac nan kac ndê ñalôm kwi ma hu ndê sac sin, nan Anötö oc suc in ndê sac ti yom sac-sac hon kwi. ²⁹ Tigeñ ñamalac dan bu sôm yom sac pi Ñalau Dabuñ, nan Anötö oc suc in ndê sac kwi dom andô. In kôm gêt sac sambuc, ma in ndê giso oc yêc ñapanj.”

³⁰ Yom hon dinañ Yisu sôm, ñahu bu ñac sêsôm bu ñalau sac dan mbo in ñalôm.

Yisu dinda ti asii
(*Mat 12:46-50; Luk 8:19-21*)

³¹ Têt tēm dinañ Yisu dinda ti ndê asii sêhóc asê andu dau. Sêlhac awê ma sêñkinj ñamalac dan sôc gi bu kôc in sa sa menj. ³² Lau daêsam nan sêndöc sêñgihi Yisu ahuc, nan sêsôm têt in bu, “Am dinam ti nem asimi dec sêmenj sêlhac awê ma sêndac am.” ³³ Goc in ndac ñac, “Aneñ dinañ ti asinjan asa?” ³⁴ Ma in tahê lau nan sêndöc sêñgihi in ahuc, ma

sôm, “Aneŋ dinanŋ ti asinŋi dau dindec. ³⁵ Bu lau nanŋ danŋa wambu Anötö ndê yom, nanŋ ŋac sêti aö asinŋi ti lhuŋwêi ma dinanŋi.”

4

*Yom gôlinŋ pi ŋac kêbalip wit ŋawhê
(Mat 13:1-12; Luk 8:4-8)*

¹ Tinjambu Yisu sa gi mbo bugictonŋ ŋamakê, ma gic hu kêdôhônŋ lau tiyham. Ma lau sêwê-sêwê sêmenŋ e ti tonŋ atu andô. Tu dinanŋ-ŋga inŋ pi wanŋ danŋ gi poc bugictonŋ kêpinŋ baö, ma lau daêsam dinanŋ sêlhac baö.

² Yisu sôm yom gôlinŋ daêsam bu êndôhônŋ lau dinanŋ. Inŋ sôm yom gôlinŋ danŋ têtŋ ŋac bocdec bu, ³ “Angô! Ngac danŋ sa gi bu êmbalip wit ŋawhê yêc inŋ ndê ôm. ⁴ Têtŋ ndoc inŋ kêbalip gêtŋ dau, nanŋ ŋawhê ŋatô sêpenŋ sêsip senŋ, ma mbac sêsip sêmenŋ ma senŋ su. ⁵ Ma ŋawhê ŋatô sêpenŋ sêsip gameŋ hoc-hoc, nanŋ nom ŋagec sac hoc ŋahô ŋambwa. Ŋawhê dau sêsip nom ŋalôm gacgenŋ si dom, dec sêpo sêpi sêmenŋ ŋagahô. ⁶ Tigenŋ tinjambu ac pec ŋagatôm ma gêm bôlinŋ. Ŋahu bu nom ŋayham mba tu ŋawakac sip ndi-ŋga. ⁷ Ma wit ŋawhê ŋatô sêpenŋ sêsip kwanŋ ti ŋakwa ŋalôm, ma kwanŋ lu wit sêpi sêwhinŋ dau e kwanŋ yanŋ wit ndu ma gêm ŋandô danŋ dom. ⁸ Ma wit ŋawhê ŋatô sêpenŋ sêsip nom ŋayham, ma tinjambu sem ŋandô daêsam, ŋatô sem ŋandô 30, ŋatô sem ŋandô 60, ma ŋatô sem ŋandô 100.”

⁹ Goc Yisu sôm, “Asa bu danŋa-sunŋ yêc, nanŋ ŋgô aneŋ yom.”

*Yisu whê yom gôlinŋ wit ŋawhê-ŋga ŋahu sa
(Mat 13:10-23; Luk 8:9-15)*

¹⁰ Tinjambu lau daêsam sêmbo dom, ma lau nan sêmbo sêwhiñ Yisu, ti ñgacsêñomi 12 sêndac Yisu pi yom gôliñ dau ñahu. ¹¹ Ma inñ whê sa têtñ ñac bocdec bu, “Anötö ndê gôliñ ñalêñ ñahu sip ñalôm gi. Inñ kêtaliñ mac sa bu anyalê ñahu dau, magoc lau nan sêmbo Anötö ndê gôliñ ñalôm dom, nanñ wasôm yom têtñ ñac ña yom gôliñ ñambwa. ¹² Aisaya to yom pi lau kainñ dinañ, nanñ yêc bocdec bu:

Ñac sêlic gêtñ nanñ aö gakôm, nanñ ñapanñ, magoc ñac si gauc sa dom. Ma ñac sêñgô aneñ yom ñapanñ, magoc sêñyalê ñahu dom.

Ñac bu sêñyalê, dec oc tôm bu sênem dau kwi, ma Anötö oc suc ñac si sac kwi.” *[Ais 6:9-10]*

¹³ Goc Yisu sôm têtñ ñac, “Bocke dec mac anyalê yom gôliñ dinañ ñahu dom? Bocdinañ ñalêñ bocke mac oc anyalê yom gôliñ ñatô ñahu? ¹⁴ Anğô! Yom pi ñgac nanñ kêbalip wit ñawhê, nanñ hêganônñ ñgac nanñ hoc Anötö ndê yom asê. ¹⁵ Ma yom pi wit ñawhê nanñ sêpeñ sêsip señ, nanñ hêganônñ lau nanñ sêñgô Anötö ndê yom, magoc ñagahô Sadañ meñ ma kêgaho yom dau su yêc ñac si ñalôm. ¹⁶ Ma wit ñawhê nanñ sêpeñ sêsip gameñ hoc-hoc, nanñ hêganônñ lau nanñ sêñgô A nötö ndê yom ma sêkôc sa ñagahô ti atac ñayham. ¹⁷ Tigeñ tôm wit nanñ ñawakac mbasi, nanñ lau dau sêlhac ñasawa baliñ dom. Têtñ ndoc sêtap ñawapac sa, me lau sêkêñ kisa ñac tu Anötö ndê yom-ñga, nanñ sêhu si sêkêñ whiñ siñ ñagahô eñ. ¹⁸ Ma wit ñawhê nanñ sêpeñ sêsip kwanñ ti ñakwa ñalôm, nanñ hêganônñ lau nanñ sêñgô Anötö ndê yom, ¹⁹ tigeñ sêhêgo dau pi gêtñ nom-ñga kêlêc, ma lêtñ atac whiñ mone ti wapa nom-ñga hê ñac si gauc ñapanñ e kôm Anötö ndê yom ahuc, ma ñandô mbasi.

²⁰ Ma wit ñawhê nan sêpeñ sêsip nom ñayham, ma sem ñandô 30, me 60, me 100, nan hêganôñ lau nan sêngô Anötö ndê yom, sêkôc sa e tidôñ, ma sem ñandô daêsam.”

Dasiñ lam ñawê kwi dom
(Luk 8:16-18)

²¹ Ma Yisu sôm têtñ ñac, “Lam inñ gêtñ pô gameñ-ñga, ma bocdinanñ yac tanğatôc ña suc ahuc me dasiñ kwi sôc sasac ñapu dom. Mba! Tanğinñ êngalêtñ ñalhu bu ñawê pô gameñ. ²² Ma ñalêtñ tigenñ, yom nanñ yêc siñ dau me ñahu sip ñalôm gi, nanñ oc meñ sa tiawê. ²³ Asa nanñ dangasunñ bu yêc, nanñ ñgô.”

²⁴ Ma inñ gic têtñ yom ma sôm, “Akôc gauc ñapep pi Anötö ndê yom nanñ mac añgô. Mac bu atac whinñ bu anyalê ñahu, dec Anötö oc kêtñ gauc têtñ mac, ma inñ oc kôm mac nem gauc êñsôwec tiatu. ²⁵ Bu asa nanñ kôc Anötö ndê yom sa sip ndê ñalôm e tidôñ, nanñ Anötö oc kêtñ gauc têtñ inñ êñlêc. Magoc asa nanñ kôc sa tidôñ dom, nanñ Anötö oc kôc inñ ndê yom honñ su yêc inñ.”

Yom gôlinñ pi gêtñ ñawhê nanñ po pi meñ

²⁶ Ma Yisu sôm, “Ñalêtñ nanñ Anötö ndê gôlinñ kêsôwec, nanñ gitôm gêtñ ñawhê nanñ ñamalac danñ sô sip ndê ôm. ²⁷ Ma tinambu inñ yêc bêc ôbwêc ma tisa têtñ acsalô, ma ñawhê dau po pi meñ. Magoc ñamalac dau kêyalê ñalêtñ dom. ²⁸ Têtñ ñamata-ñga ñawhê dau hóc nom kôc ma ñagatôm pi meñ, malô goc ñamlha sa ma tinambu gêm ñandô. ²⁹ Magoc têtñ ndoc gêtñ ñandô dau tilôwê inñ oc ndic su, bu bêc sêhonñ gêtñ ñandô sa-ñga meñ sa.”

Yom gôliņ pi gêņ ηawhê sauņ
(Mat 13:31-32; Luk 13:18-19)

³⁰ Ma Yisu sôm, “Aö wasôm yom gôliņ bocke tu bu wawhê ηalêņ naņ Anötö ndê gôliņ kêsôwec, naņ sa? Aö wanem dôhôn pi gêņ sake bu wawhê sa? ³¹ Anötö ndê gôliņ gitôm gêņ ηawhê sauņ andô dan naņ dasô sip nom, gitôm a soc ηawhê. ³² Gêņ dau gêņ sauņ andô, tigen yac bu dasô sip nom ndi, dec oc po tiatu e hóc gêlêc gêņ ôm-ηga hon su. Ma ηasaηgac oc sêhê baliņ e mbac lólôc-ηga sêmeņ sêhê si ηaic yêc ayuņ ηayham dau.”

³³ Yom gôliņ kaiņ dinaņ Yisu sôm têņ lau ηapaņ. Inj kêdôhôn ηac tôm ηac si gauc. ³⁴ Yom hon naņ inj sôm têņ ηac, naņ inj sôm ηa yom gôliņ. Ma têņ têm naņ inj ti ndê ηgacsêņomi sêmbo tawasê, naņ inj whê gêņ hon sa têņ ηac.

Yisu kôm bu ηamponj timalô
(Mat 8:23-27; Luk 8:22-25)

³⁵ Têņ acsalô dinaņ kêpiņ bu ηasec sa, naņ Yisu sôm têņ inj ndê ηgacsêņomi, “Yac dalhö, dapi bugic-ton ηadaηga dandi.” ³⁶ Goc sêhu lau tonj atu dinaņ siņ ma sêkôc Yisu whiņ ηac sêpi waņ danj ma sêlhö si. Ma waņ ηatô sêlac sêwhiņ. ³⁷ Sêlac si ma mbu puc atu ma gêli bu ηamponj sa gic sip waņ e kêpiņ bu waņ pac. ³⁸ Magoc Yisu teņ gwalim ma yêc bêc yêc waņku-ηga. ηgacsêņomi sêuņ inj sa, ma sêsôm têņ inj, “Kêdôhônwaga, bocke? Am hêgo daôm dom bu yac oc dandiņ, a?” ³⁹ Goc inj tisa, ma sôm yom ηaηga têņ mbu ti bu ηamponj bocdec bu, “Naņ gitôm! Timalô!” Goc mbu timalô ma gameņ ηaņeņ sa. ⁴⁰ Ma inj sôm têņ ηac bu, “Tu sake-ηga mac atöc daôm kêlêc? Bocke? Mac akêņ whiņ aö dom,

a?” ⁴¹ Magoc ñac sêsö ti sêtöc dau ñandô ma sêndac dandi, “In asa dec? Gêñ hon sêsöc in ndê yom ñapu, ma mbu ti bu ñampon sêwhin!”

5

Yisu kôm ñgac ti ñalau sac ñayham sa (Mat 8:28-34; Luk 8:26-39)

¹ Yisu ti ndê ñgacsêñomi sêhóc asê Bugicton Galili-ñga ñadanğa têtñ gameñ ac pi-ñga, ma sêsöc baö yêc lau Gerasa-ñga si gameñ. ² Sêpi baö si, ma ñgac dan nan ñalau sac mbo in ndê ñalôm, nan sa akêñ om sêhó-ñga ma têtñ Yisu gi. ³ In ñgac dau êlê mê ndöc om sêhó-ñga, ma têtñ daêsam lau sêñsahê bu sêsô in dôn ña wac me ña sen, magoc gitôm dom. ⁴ Têtñ daêsam sêsô in amba ti gahi dôn ña sen, magoc in hê sen kic ma sen gapocwalô gahi-ñga su. Lau dan sêtôm dom bu sêkôm in timalô. ⁵ Têtñ acsalô ti ôbwêc, in mbo om sêhó-ñga ti gameñ ñabaö, ma tan asê ma kôc hoc ma tuc-tuc dau ñamlic tisac.

⁶ Têtñ têtñ dinan in gêlic Yisu kalhac ahê, goc kêtñ gi ma pôn haduc yêc in anğô-ñga. ⁷⁻⁸ Ma Yisu sôm têtñ in, “Ñalau sac, am hu ñgac dinan sin.” Dec ñalau dau mbwêc atu ma sôm, “Yisu, Anötö Ñaclai ti Ñawasi Ñadaw ndê Atu, am bu kôm sake têtñ aö? Tu Anötö ndê ñaê-ñga, aö waten am bu kôm aö ñayom dom.” ⁹ Goc Yisu ndac in, “Am nem ñaê asa?” Ma ñalau sac ô yom ma sôm, “Aneñ ñaê ‘Ton Atu,’ bu yac ñalau daêsam.” ¹⁰ Ma ñalau dau ten Yisu tidim daêsam, bu soc ñac su yêc gameñ dinan dom.

¹¹ Têtñ têtñ dinan bôc ton atu sen gêtñ sêmbo lôc ñapu yêc gameñ dinan. ¹² Goc ñalau sac sêten Yisu

ma sêsôm, “Êmkiņ yac atêj bôc dindê andi, bu yac asôc bôc si ŋalôm.” ¹³ Yisu gôlôc goc ŋalau sac sêhu ŋgac dinaņ siņ, ma sêsôc bôc ŋalôm si. Goc bôc hoņ sênti si e sêsip salic sac, ma sêsip bugictoņ e bu kô ŋac sêmbac ndu. Bôc dau toņ atu, ŋanamba gitôm 2,000. ¹⁴ Goc lau sêyob bôc-ŋga sênti si, ma sic miņ yom dinaņ têj lau naņ sêmba malac atu ti gameņ ŋamakê-ŋga. Ma lau dau sêsa si bu sêlic gêj naņ Yisu kôm. ¹⁵ Sêhôt asê iņ ma sêlic ŋgac naņ Yisu soc ŋalau sac toņ atu dinaņ su yêc iņ, naņ ndôc ti gauc ŋawa ma sôc ŋakwê, dec ŋac sêtôc dau. ¹⁶ Ma lau naņ sêlic gêj dau, naņ sic miņ pi gêj naņ Yisu kôm têj ŋgac ti ŋalau sac, ma têj bôc. ¹⁷ Goc lau gameņ dinaņ-ŋga sêteņ Yisu ŋaņga bu hu ŋac si gameņ siņ.

¹⁸ Têj ndoc Yisu bu pi waņ ndi, naņ ŋgac naņ iņ soc ŋalau sac su yêc iņ, naņ teņ iņ ŋaņga bu whiņ iņ ndi. ¹⁹ Magoc Yisu sôm, “Mba! Am mbu têj nem lau ndi, ma ndic miņ têj ŋac pi ŋalêj naņ Pômdau tawalô am, ma pi gêj hoņ naņ iņ kôm têj am.” ²⁰ Goc ŋgac dau kôlhô gi, ma kêgihi gameņ naņ sêsam bu Dekapolis,* ma gic miņ yom pi gêj atu naņ Yisu kôm têj iņ. Ma lau hoņ sêhêdaê.

*Yisu kôm awhê lu ŋayham sa
(Mat 9:18-26; Luk 8:40-56)*

²¹ Yisu ti ndê ŋgacsêjnomi sêpi waņ ma sêmbu sêpi bugictoņ ŋadaņga si. Ma têj ndoc iņ sip baö gi, naņ lau toņ atu sêkac sa e sêjgihi iņ ahuc. ²² Ma ŋgac daņ ŋaê Jairas, naņ yob lau Israel-ŋga si lôm wê-ŋga yêc gameņ dinaņ, naņ meņ hôt asê. Iņ gêlic Yisu goc hu

* **5:20:** Dekapolis - ŋaê dinaņ danem kwi bu ‘malac amanlu.’ Malac amanlu dinaņ sêyêc Bugictoņ Galili-ŋga ŋagameņ têj ac pi-ŋga.

dau sip nom yêc in gahi-nga. ²³ Ma in ten in nanga bocdec bu, “Aneñ bawhê saun gêmbac atu kêpin bu oc mbac ndu. Aö tac whin bu am mwen, kêñ amam sac in tu bu in mbac ndu dom, ma nayham sa tiyham.” ²⁴ Goc Yisu whin in gi.

Yisu kêsêlêñ mbo, ma lau daêsam sêñkuc in ma sêñgihi in ahuc. ²⁵ Lau ton dinan si dan in awhê nan gêm dac napan tòm yala 12. ²⁶ In kêsâlê dokta daêsam bu sênem in sa, ma gêmlihi ñac e in ndê mone hon pacndê. Magoc ñac sêtôm dom bu sênem in sa. In hôc ñandê atu tu ñac-nga, ma gêmbac dau hôc gêlêc su. ²⁷⁻²⁸ Awhê dau ngô Yisu ñawaê su, dec gauc gêm têt dau bu, “Aö bu wamasec in ndê ñakwê, dec oc kôm aö nayham sa.” Tu dinan-nga in kêsêlêñ yêc lau ton atu ñalôm kêkuc in, ma kêmasec in ndê ñakwê. ²⁹ Ma ñagahô en in ndê dac sa tiyham dom, ma in kêsahê bu in ndê gêmbac pacndê su.

³⁰ Yisu kêyalê bu ñac lai sa yêc in, goc ñagahô in kac dau kwi yêc lau ton atu ñalôm ma ndac, “Asa kêmasec aö neñ ñakwê?” ³¹ Magoc in ndê ñgacsêñomi sêo yom ma sêsôm, “Lic lau daêsam dindêc s êkôm am si. Bocke dec am ndac bu ñac si asa kêmasec am?” ³² Magoc Yisu taso lau hon, ma kêsâlê ñamalac nan kôm gêt dau. ³³ Awhê dau kêyalê bu in nayham sa su, dec têt Yisu gi ma pôn haduc yêc in anğô-nga. In töc dau ti kêtitec mbo, ma hoc yom asê pi gêt nan in kôm. ³⁴ Goc Yisu sôm ten in, “O aneñ bawhê, am nem kêñ whin aö dec kôm am nayham sa. Am ndi ti atac malô, kwahic dec am nem ñawapac pacndê su.”

³⁵ Yisu sôm yom dinan mbo, ma lau ñatô sêmen akêt Jairas ndê andu, ma sêsôm têt in, “Am

atômwê mbac ndu su. Tu sake-nga am bu kên
 ñawapac têt Kêdôhôn-waga? Sôm têt in bu men
 dom.” ³⁶ Tigen Yisu hêgo dau tu ñac si yom-nga
 dom, ma sôm têt Jairas, “Töc daôm dom, kên whin.”
³⁷ Goc Yisu kalhac lau hon ahuc, ma kôc Pita,
 ma Jems lu ndê asidôwa Jon, ma sêwhin Jairas si.
³⁸ Sêñsêlên si e sêhóc asê Jairas ndê andu, ma Yisu
 gêlic lau sêkôm ñanta atu, ñac sêhu dangibo asê ma
 sêtañ. ³⁹ Goc in sôc gi ma ndac ñac, “Mac akôm
 ñanta ti dangibo atu dindec tu sake-nga? Bawhê
 dau mbac ndu dom, in yêc bêc nañ yêc.” ⁴⁰ Magoc
 ñac sêmbwac in. Yisu kên ñac sêsa awê si, ma kôc
 bawhê ñadamba lu dinda ti ñgacsêñomi tö dinañ
 sêwhin in si, ma sêhóc ñalôm nañ bawhê yêc. ⁴¹ In
 kêm bawhê dau sip amba ma sôm têt in, “Talita,
 k umi.” (Yom Hibru dau danem kwi bu, ‘Bawhê
 saun, am tisa.’) ⁴² Ma ñagahô eñ bawhê dau, nañ
 ndê yala ti 12, nañ tisa ma kêsêlên. Ma lau hon nañ
 sêlic gêt dau, nañ sêhêdaê ñandô. ⁴³ Magoc Yisu kên
 yao ñanga bu sêsôm gêt dau asê têt lau ñatô dom.
 Ma in sôm bu sêkên gêt danen-nga têt bawhê dau
 neñ.

6

Yisu ndê lau sêkôc in sa dom (Mat 13:54-58; Luk 4:16-30)

¹ Yisu mbu têt in ndê malac-hu gi, ma in ndê
 ñgacsêñomi sêñkuc in. ² Têt bêc Sabat-nga dan in
 sôc lôm wê-nga gi, ma gic hu kêdôhôn lau. Ma lau
 daêsam nañ sêñgô in ndê yom, nañ sêhêdaê ma
 sêsôm têt dandî, “Aluê! In ñgac dec tap gêt hon
 dindec sa yêc nde? Asa kên gauc atu-tu dinañ têt

in, ma ñaclai tu kôm gêñ dalô-nga? ³ In yac neñ ngac nañ mun-nga kôm gwelen kapenta-nga. In Maria ndê atungac, ma Jems, Josep, Judas ma Saimon dôwa! Ma in ndê lhuwêi sêmbô sêwhin yac.” Ma ñac atac lu-lu tu in-nga. ⁴ Goc Yisu sôm têtñ ñac, “Lau hon sêtoc propet dan sa, tigen yêc in ndê malachu, in ndê asidôwai ma in dau ndê lau sêtoc in sa dom.” ⁵ Ma yêc gameñ dinan in gitôm dom bu kôm gêñ dalô daêsam. In kêñ amba sac lau gêmbac tigen-tigen, ma kôm ñac ñayham sa. ⁶ Ma in hêdaê bu ñac sêkên whin in dom.

Tinambu in kêsêlên golom-golom malac, ma kêdôhôn lau.

*Yisu kêkin ngacsênomi 12 sêsa si
(Mat 10:7-11; Luk 9:1-5)*

⁷ Yisu mbwêc ndê ngacsênomi 12 sêtên in sêmen, ma in kêkin ñac lu-lu sêsa sêtên malac ñatô si, bu sênem mêtê lau. Ma in kêñ ñaclai têtñ ñac bu sêsoc ñalau sac su yêc lau. ⁸⁻⁹ In kêkin ñac ti sôm yom têtñ ñac bocdec bu, “Anjêlên andi, magoc akôc wapa daêsam dom. Asôc nem atapa ma akôc nem tôc, dec tôm. Ampwic hacgêlê dom, ma akôc gêñ danen-nga me awa me ñakwê aô daôm-nga dom. ¹⁰ Têtñ ndoc mac asôc malac dan andi, ma lau sêkôc mac sa asôc ñac si andu, nañ ambo whin ñac e mac ahu malac dau sin. ¹¹ Ma lau malac dan-nga bu sêkôc mac ti nem yom sa dom, goc aton kop su yêc gahim têtñ ndoc mac ahu ñac sin, bu atôc ñac si giso asê.”

¹² Goc ñac sêlhô si ma sem mêtê bu lau sênem si ñalôm kwi ma sêhu mêtê sac sin. ¹³ Sêsoc ñalau sac daêsam su yêc lau, ma sêmbac olib ñakwi pi lau gêmbac daêsam ma sêkôm ñac ñayham sa.

*Herod gauc gêm yom daêsam pi Yisu
(Mat 14:1-2; Luk 9:7-9)*

¹⁴ Lau sic miñ pi Yisu napañ e inñ ndê waê tiapa, ma Kiñ Herod ngô ñawaê pi inñ whiñ. Lau ñatô sêsôm bu, “Yisu inñ Jon, Ngac Kêku Lau-nga, nañ tisa akêñ lau batê-nga, ma bocdinañ inñ kôc ñaclai bu kôm gêñ dalô.” ¹⁵ Ma ñatô sêsôm, “Mba! Inñ ngac dec inñ propet Elaija nañ tisa akêñ lau batê-nga.” Ma ñatô sêsôm, “Mba! Inñ propet danñ tôm propet akwa-kwa.” ¹⁶ Magoc têtñ têtñ Herod ngô yom dinañ pi Yisu, nañ inñ sôm, “Ngac dê mboe Jon, ngac nañ aô gatim inñ kachu kic, nañ tisa akêñ lau batê-nga.”

*Herod gic Jon, Ngac Kêku Lau-nga ndu ñamin
(Mat 14:3-12)*

¹⁷⁻¹⁸ Muñ-nga, Herod kôc inñ asi Pilip ndê awhê Herodias ma gêm ti ndê awhê. Dec Jon hoc Herod ndê giso asê ma sôm têtñ inñ, “Am gêm nem asim ndê awhê, dec kôm gêñ so sambuc.” Tu dinañ-nga Herod kêkiñ ndê lau siñ-nga bu sêkôc Jon dôn, ma sêkêñ inñ ndôc gapocwalô. ¹⁹ Tu Jon ndê yom-nga, Herodias êlêmê tac ñandê têtñ inñ ma tac whiñ bu sêndic inñ ndu. Magoc inñ gitôm dom, ²⁰ bu Herod kêyalê bu Jon inñ ngac gitêtñ ti dabuñ, dec töc Jon ma yob inñ ñapep. Herod tac whiñ bu ngô Jon ndê yom, magoc Jon ndê yom kôm inñ gauc gêm yom daêsam. ²¹ Tinambu Herodias tap lêtñ danñ sa bu lau sêndic Jon ndu. Têtñ Herod ndê bêc dinda kôc inñ-nga, nañ Herod ndê mwasiñ danñ ma kêgalêm inñ ndê lau atu-tu, ti lau bata siñ-nga, ma lau bata Galili-nga. ²² Ñac sêndôc mwasiñ dau ñalôm ma Herodias atuwê sôc meñ ma têt wê. Gêñ dau kôm Kiñ Herod ti ndê ñaclenñ honñ atac ñayham kêlêc. Goc

in̄j sôm têtj bawhê dau, “Am ndac gêtj bocke nan̄ am atac whin̄, ma wakêtj têtj am.”²³ Ma in̄j kêmatin̄ yom têtj in̄j bocdec bu, “Gêtj nan̄ am bu ndac, nan̄ aô wakêtj têtj am, tôm aô wawhê neñ wapa hon̄ kôc ndi ton̄ lu ma wakêtj ton̄ dan̄ têtj am.”²⁴ Goc bawhê dau sa gi ma ndac dinda, “Aô wandac gêtj sake?” Ma dinda ô yom ma sôm, “Am ndac Jon, Ngac Kêku Lau-nga ndê ñagôlôn̄.”²⁵ Goc bawhê dau kac dau kwi ma kêtj mbu têtj Kin̄ Herod gi, ma sôm têtj in̄j bu, “Aô tac whin̄ bu kwahic dec, am tim Jon, Ngac Kêku Lau-nga ndê kachu kic, goc kêtj in̄j ndê ñagôlôn̄ sip pele dan̄ ma kêtj têtj aô, bu walic pi tanôn̄ bu in̄j mbac ndu ñandô.”²⁶ Yom dau kôm Kin̄ Herod ñalôm ñawapac atu, tigen̄ tu in̄j kêmatin̄ yom yêc ñacleñ hon̄ an̄gô-nga, dec kôm tôm bawhê dau ndac.²⁷ Ma ñagahô in̄j kêkin̄ ñgac dan̄ bu ndic Jon ndu ma kôc in̄j ñagôlôn̄ mbu meñ. Ngac dau sôc gapocwalô gi, tim Jon ndê kachu kic,²⁸ ma kêtj ñagôlôn̄ sip pele dan̄. Goc kôc sa gi kêtj têtj bawhê, ma bawhê kêtj têtj dinda gêlic.

²⁹ Têtj têtj Jon ndê sêñomi sêñgô gêtj dau ñawaê, nan̄ sêmeñ ma sêkôc in̄j ndê ñamlan̄ sa, ma si sêñsuhun̄.

Yisu ndê ñgacsêñomi sêmbu sêmeñ

³⁰ Ngacsêñomi nan̄ Yisu kêkin̄ ñac sêsa si, nan̄ sêmbu sêtêtj in̄j sêmeñ, ma sic min̄ pi gêtj hon̄ nan̄ sêkôm, ma yom nan̄ sêndôhôn̄ têtj lau.³¹ Têtj têtj dinan̄ lau daêsam sêwê sêtêtj Yisu sêmeñ ñapan̄, dec ñasawa mba bu in̄j ti ndê lau sêneñ gêtj. Tu dinan̄-nga dec in̄j sôm têtj ñac, “Mac tamwasêm awhin̄ aô, ma yac dasa gameñ sawa dan̄ dandi, ma tan̄whan̄ daun̄.”

Yisu gôlôm lau 5,000

(Mat 14:13-21; Luk 9:10-17; Jon 6:1-15)

³² Bocdinaŋ ɲac sêpi waŋ daŋ bu sêlhô sêtêŋ gameŋ sawa daŋ sêndi. ³³ Magoc lau daêsam sêlic ɲac sêpi waŋ ma sêŋyalê bu Yisu ti ndê lau. Bocdinaŋ lau akêŋ malac hoŋ yêc gameŋ dinaŋ sêŋkuc ɲac, sênti sêmbo baö ma sêhóc gêlêc ɲac. ³⁴ Têŋ têm Yisu ti ndê ɲgac-sêŋomi sêsôc baö si, iŋ gêlic lau daêsam dinaŋ ma tawalô ɲac, bu ɲac sêtôm domba naŋ si ɲgac yob ɲac-ŋga mba. Dec iŋ gic hu kêdôhôn yom daêsam têŋ ɲac.

³⁵ Sêmbo e telha sa, goc Yisu ndê ɲgacsêŋomi sêtêŋ iŋ si ma sêsôm, “Gameŋ dindec gameŋ sawa, ma ac pacndê. ³⁶ Kêŋ lau dau sêlhô sêtêŋ malac ti gameŋ ɲamakê-ŋga sêndi, bu sênemli gêŋ sêneŋ-ŋga.” ³⁷ Magoc Yisu sôm, “Mba! Mac daöm akêŋ gêŋ têŋ ɲac sêneŋ.” Ma ɲac sêô yom ma sêsôm, “Lau dindec ɲac lau daêsam andô! Yac bu anemli bolom ɲa mone atu gitôm †denarii 200, dec oc tôm bu ɲac hoŋ sêneŋ ɲagec-ɲagec. Yac akôm bocdinaŋ, a?” ³⁸ M a iŋ ndac, “Mac nem bolom hiŋga ndöc? Andi alic.” Ma ɲac si sêlic goc sêmbu sêmeŋ ma sêsôm, “Yac mba bolom limdaŋ, ma i lu sêndöc.”

³⁹ Goc Yisu sôm têŋ ɲac bu sêkêŋ lau hoŋ sêndöc sic titoŋ-titoŋ sêndöc kwaŋ. ⁴⁰ Ma lau hoŋ sêndöc sic titoŋ-titoŋ, toŋ ɲatô gitôm lau 100, ma ɲatô gitôm 50. ⁴¹ Goc Yisu kôc bolom limdaŋ ma i lu sa, tatac undambê ma gêm mbec, goc pô bolom kôc-kôc, ma kêŋ têŋ ɲgacsêŋomi bu sêndic sam têŋ lau. Goc iŋ kôm bocdinaŋ pi i lu. ⁴² Lau hoŋ seŋ gêŋ e hóc ɲac dôŋ. ⁴³ Ma tiŋambu ɲgacsêŋomi sic bolom ti i ɲadêlê sa sip gatop 12 e meŋhu.

⁴⁴ Yisu gôlôm lau toŋ atu dinaŋ, ma lauŋgac naŋ sêmbô toŋ dau ŋalôm ma seŋ gêŋ, naŋ si namba gitôm 5,000.

*Yisu kêsêlêŋ mbo bu ŋahô
(Mat 14:22-33; Jon 6:16-21)*

⁴⁵ Têŋ têm dinaŋ Yisu kêŋ ndê ŋ gacsêŋomi sêpi waŋ daŋ si, ma kêkiŋ ŋac sêmuŋ iŋ sêpi bugictôŋ ŋadaŋga, bu sêtêŋ malac Betsaida sêndi. Ma iŋ dau mbo baö bu kêŋ lau toŋ atu dinaŋ sêlhö si. ⁴⁶ Iŋ hu ŋac siŋ su, goc pi lôc daŋ gi bu teŋ mbec.

⁴⁷ Ŋasec sa su, ma waŋ dau sa bugictôŋ ŋalhu, ma Yisu tawasê mbo baö. ⁴⁸ Iŋ gêlic ndê ŋgac-sêŋomi sêhêc waŋ ŋaŋga, bu mbu atu kêsêlêŋ ma puc ŋac dôŋ. Têŋ ôbwêc lôm iŋ kêsêlêŋ mbo bu ŋahô, ma sa têtêŋ ŋac gi. Iŋ bu hôc gêlêc ŋac, ⁴⁹ magoc têtêŋ ndoc sêlic iŋ kêsêlêŋ mbo bu ŋahô, ŋac gauc gêm bu sêlic ŋalau daŋ. Ŋac sêmbwêc atu, ⁵⁰ bu ŋac hoŋ sêlic iŋ ma sêtöc dau. Magoc ŋagahô iŋ sôm yom têtêŋ ŋac bu, “Ŋalôm pêtêŋ dôŋ ma atöc daôm dom, bu aö daŋ dindec!” ⁵¹ Goc iŋ kêsêlêŋ têtêŋ ŋac ma pi waŋ gi. Ma mbu timalô ma binôŋ sip. Ŋac sêhêdaê ŋandô, ⁵² ŋahu bu ŋac sêlic gêŋ naŋ iŋ kôm pi bolom ti i, magoc ŋac si gauc sa dom pi iŋ ndê ŋaclai. Ŋac si ŋalôm ŋadandi.

*Yisu gêm lau gêmbac sa yêc malac Genesaret
(Mat 14:34-36; Jon 6:22-25)*

⁵³ Ŋac sêhêc asê malac Genesaret yêc bugictôŋ ŋadaŋga, ma sêsô waŋ dôŋ. ⁵⁴ Ŋac sêsip baö si ma ŋagahô lau sêŋyalê bu Yisu. ⁵⁵ Goc sênti sêtêŋ malac hoŋ yêc gameŋ dinaŋ, ma sêkêŋ Yisu ŋawaê. Ma tiŋambu lau sêmbalaŋ si lau gêmbac sêtêŋ malac

bocke nanj sêngô bu Yisu mbo. ⁵⁶ Ma malac atu ti saun, me gamej ñamakê-nga bocke nanj Yisu mbo, nanj lau sêtoc si lau gêm bac sêyêc maket ñamala, ma sêtej Yisu bu ñac sêmasec inj me bu sêmasec inj ndê ñakwê ñambwa. Ma lau honj nanj sêmasec inj, nanj ñamlic ñayham sa.

7

*Gêj nanj kôm ñamalac ñadômbwi sa yêc Anötö anjô-
nga*

(Mat 15:1-20)

¹ Lau Palêsai ti kédôhônwaga yomsu-nga ñatô akêj Jerusalem sêtêj Yisu si. ² Ma ñac sêlic bu inj ndê ñgacsêjomi ñatô sêjngwasinj amba dom ma sej gêj. Bocdinaj ñac gauc gêm bu ñgac-sêjomi si amba ñadômbwi. ³ Ñac gauc gêm yom dinaj, ñahu bu lau Palêsai ti lau Israel-nga daêsam sêjnkuc mêtê nanj lau andô sic dulu têtj ñac, bu sêjngwasinj amba munj su, goc sênej gêj. ⁴ Ma têtj ndoc sêmbu akêj maket sêmej,* nanj sêjngwasinj amba munj, goc sênej gêj. Ma ñac sêjngwasinj laclhu ti akôp ma suc, ma sêjnkuc mêtê kainj dinaj daêsam, nanj lau andô Israel-nga sic dulu têtj ñac.

⁵ Bocdinaj lau Palêsai ti kédôhôn-waga yomsu-nga dinaj sêndac Yisu, “Tu sake-nga am nem ñgac-sêjomi sêjnkuc ñagôlinj nanj lau andô sic dulu têtj yac, nanj dom, ma sej gêj ti amba ñadômbwi?” ⁶ Ma Yisu

* **7:4:** Têtj ndoc lau Palêsai ma lau †Skraib sêmbu maket, nanj semlhi gêj yêc lau Israel ñatô nanj sêhêgo dau tu Moses ndê yomsu-nga dom, ma flau gamej apa-nga nanj sêmbu maket ñamala. Ñac gauc gêm bu lau dau oc sêkôm ñac ñadômbwi sa yêc Anötö anjô-nga, ma bocdinaj sêjngwasinj amba têtj ndoc sêmbu akêj maket sêmej.

ô yom ma sôm, “Propet Aisaya hoc yom asê mun su, nan hêganôn mac lau atim yom lau-nga solop. Yom dau sêto yêc bocdec bu:

Lau dindéc sêtoc aô sa ña whasuñ ñambwa, tigen ñac si ñalôm yêc dañ dau-nga.

⁷ Ñac sem akiñ aô ñandô dom, ma yom nan sêndôhôn têt lau, nan ñamalac si yomsu ñambwa.” *[Ais 29:13]*

⁸ Goc Yisu gic têt ku yom ma sôm, “Mac ahu Anötö ndê yomsu sin, ma asap ñamalac ñambwa si ñagôlin dôñ. ⁹ Mac alic ñayham bu asap mac daôm nem ñagôlin dôñ, magoc atec Anötö ndê yomsu, a? ¹⁰ Bu Moses to Anötö ndê yomsu bocdec bu, ‘*Toc damam lu dinam sa.*’ Ma in to yom dañ whin bocdec bu, ‘*Ngac dañ bu sôm yom sac pi in damba lu dinda, nan lau sêndic in ndu man.*’ ¹¹ Tigen mac andôhôn lau bu sêngilî yomsu dinañ. Ñamalac dañ ndê awa me gêt bu yêc bu nem damba lu dinda sa, magoc in bu ndic yao gêt dau ma sôm têt inlu, ‘Gêt nan bu nem amlu sa, nan gasam bu Koban.’ (Yom Koban dinañ ñahu bu in kêyalin gêt dau sa bu kêt ti da têt Anötö.) ¹² Tu dinañ-nga in gêm in damba lu dinda sa dom, ma mac alic ñayham. ¹³ Ñalêt dinañ mac asen Anötö ndê yom popoc ma ankcuc lau andô si ñagôlin nan apami sic dulu têt mac. Mac akôm mêtê daêsam gitôm dinañ.”

¹⁴ Goc Yisu ta lau hon sêtêt in sêmen tiyham, ma sôm, “Mac lau hon, ango ma anyalê. ¹⁵⁻¹⁶ Gêt hon nan yêc awê ma sip ñamalac ñatac ñalôm, nan ñadañ kôm in ñadômbwi sa yêc Anötö ango-nga dom. Magoc mêtê ti gauc sac nan men akêt ñamalac ñalôm, nan kôm in ñadômbwi sa yêc Anötö ango-

nga.”

¹⁷ Tinjambu Yisu hu lau dinaŋ siŋ ma iŋ ti ndê ngacsêŋomi sêsôc andu daŋ si. Goc sêndac iŋ pi yom gôliŋ dinaŋ ŋahu. ¹⁸ Ma iŋ ndac ŋac, “Bocke dec mac atôm lau ŋatô naŋ si gauc sa dom? Alic bu gêŋ n aŋ yêc awê, ma sip ŋamalac ŋatac ŋalôm, naŋ oc kôm iŋ ŋadômbwi sa dom. ¹⁹ ŋahu bu gêŋ dinaŋ sip iŋ ŋalôm ti gauc dom, magoc sip iŋ ŋatac ŋalôm goc tinjambu sa meŋ tiyham.” (Yisu ndê yom dinaŋ tôc asê bu Anötö gic yao gêŋ danen-ŋga daŋ bu gêŋ ŋadômbwi dom.)

²⁰ Ma iŋ gic têku yom ma sôm, “Gêŋ sac bocke naŋ sa yêc ŋamalac si ŋalôm me whasuŋ, naŋ kôm iŋ ŋadômbwi sa yêc Anötö aŋgô-ŋga. ²¹⁻²² Mêtê sac daésam ŋahu yêc ŋamalac si ŋalôm. Gauc sac, mêtê sênem kaŋ gêŋ-ŋga, sêndic ŋamalac ndu-ŋga, mêtê mockaiŋ-ŋga naŋ lau naŋ sem dau sa su, ma lau naŋ sem dau sa su dom naŋ sêkôm, lêŋ atac whiŋ awa ti wapa-ŋga, mêtê sêlic lau sac-ŋga ti sêŋsau lau-ŋga, mêtê sêneŋ gêŋ ŋawahô-ŋga, mêtê ŋalôm ŋagalac-ŋga ti mêtê lêmuŋ-ŋga, ma sêsôm yom sac-sac-ŋga, mêtê sêtoc dau sa-ŋga, ma lêŋ gauc mbasi-ŋga. ²³ Mêtê sac kaiŋ dinaŋ hoŋ ŋahu yêc ŋamalac si ŋalôm, ma kôm ŋac ŋadômbwi sa yêc Anötö aŋgô-ŋga.”

*Awhê Kanan-ŋga daŋ kêŋ whiŋ ŋaŋga
(Mat 15:21-28)*

²⁴ Yisu ti ndê ngacsêŋomi sêhu gameŋ dinaŋ siŋ, ma sêtêŋ gameŋ naŋ yêc kêpiŋ malac Taya ma sêsôc andu daŋ si. Iŋ tec bu lau daŋ sêŋyalê gameŋ naŋ iŋ mbo, magoc iŋ gitôm dom bu siŋ dau. ²⁵⁻²⁶ Awhê daŋ mbo gameŋ dinaŋ, naŋ ŋalau sac

danj mbo inj atuwê ñalôm. Inj awhê Grik-nga nanj dinda kôc inj yêc gamenj Sairo-Pionisia-nga. Têñ ndoc awhê dau ngô ñawaê pi Yisu, nanj têñ inj gi, ma hu dau sip nom yêc inj gahi-nga. Ma inj tenj Yisu ñannga bu inj soc ñalau sac dau su yêc inj atuwê.

²⁷ Ma Yisu sôm têñ inj, “Gêñ ñamata-nga dakêñ gêñ danen-nga têñ balêkoc bu sênenj e hôc ñac dôñ. Solop dom bu dakôc balêkoc si gêñ danen-nga, ma tambalinj têñ giam sênenj.” ²⁸ Magoc awhê dau ô yom ma sôm, “Yomandô Pômdau, magoc giam nanj sêndôc tebo ñapu, nanj senj gêñ ñapopoc nanj balêkoc sênyainj sip nom.” ²⁹ Goc Yisu sôm, “Tu am nem yom dinan-nga dec aô wanem am sa. Am mbu ndi ma am oc lic bu ñalau sac dau hu am atômwê sinj su.” ³⁰ Goc awhê dau mbu têñ ndê andu gi, ma tap sa bu ñalau sac dau hu inj atuwê sinj ma bawhê dau yêc bêc yêc ndê mbô.

Ngac awha mba ma danjasunj bic

³¹ Yisu ti ndê ñgacsêñomi sêhu malac Taya ñagamenj sinj. Ñac sêñsêlêñ sêmbo senj têñ malac Saidon goc sêtêñ bugictonj Galili-nga, ma sêpi bugictonj ñadannga ma sêtêñ gamenj Dekapolis-nga si. ³² Yêc gamenj dinanj lau ñatô sêkôc ñgac danj danjasunj bic ma awha mba ma sêtêñ Yisu si, ma sêtenj inj bu kêñ amba sac inj. ³³ Lau daêsam sêlhac dindê, goc Yisu kôc ñgac dau ma injlu sêsa ñasawa saunj si sêlhac dau-nga. Ma inj kêñ amba-atu sôc ñgac dau danjasunj, ma inj hu gasôp pi amba-atu ma kêñ pi ñgac dau êmbala. ³⁴ Goc inj tatak undambê, sê awha atu, ma sôm têñ inj bu, “Epata.” (Yom dau danem kwi bu ‘Po asê.’) ³⁵ Ma ñagahô inj danjasunj po asê, êmbala tigolonj, ma inj sôm yom yêc awê.

³⁶ Yisu gic yao lau bu sêndic miŋ pi gêŋ dinan têtj lau ŋatô dom, magoc sêsôm in ndê yom ŋapu dom. In gic yao ŋac tidim daêsam, magoc ŋac sic miŋ pi in hóc gêlêc su. ³⁷ Ma lau hon nan sêŋgô, nan sêhêdaê ŋandô ma sêsôm, “In kôm gêŋ hon ŋapep en, ma gitôm bu kôm lau danŋasuŋ bic sêŋgô yom, ma lau awha mba sêsôm yom asê.”

8

Yisu gôlôm lau 4,000 (Mat 15:29-39)

¹ Têtj têtj dinan lau daêsam sêkac sa tiyham e lau toŋ atu sêmbo sêwhiŋ Yisu. In gêlic bu ŋac si gêŋ sêneŋ-ŋga mba, goc ta ndê ŋgacsêŋomi sêtêŋ in sêmeŋ, ma sôm têtj ŋac bu, ² “Aô taŋwalô lau dindêc, bu sêmbo sêwhiŋ aô gitôm bêc tō su, ma ŋac si gêŋ sêneŋ-ŋga pacndê. ³ Ma aô bu wakêŋ ŋac sêlhô ti gêŋ yô ŋac, dec ŋac oc tagôlô yêc seŋ. ŋac si lau ŋatô sêmeŋ akêŋ gameŋ baliŋ.” ⁴ Magoc in ndê ŋgacsêŋomi sêô in ndê yom ma sêsôm, “Yac dambo gameŋ sawa, ma oc dakôc gêŋ danen-ŋga y êc nde, nan tôm bu lau hon dindêc sêneŋ?” ⁵ Ma Yisu ndac ŋac, “Mac nem bolom hiŋga ndôc?” Ma ŋac sêsôm, “Yac mba bolom 7 sêndôc.”

⁶ Goc Yisu sôm têtj lau bu sêndôc sic sêndôc nom. Ma in kôc bolom 7 dinan ma gêm danŋe, pô kôc-kôc, ma kêtj têtj ndê ŋgac-sêŋomi bu sêndic sam têtj lau, dec sic sam. ⁷ Ma ŋac si i mwambwa ŋatô sêndôc, nan Yisu gêm mbec whiŋ, ma sôm bu sêndic sam têtj lau. ⁸ Ma lau hon seŋ e hóc ŋac dôn, goc ŋgacsêŋomi sic ŋadêlê sa sip gatop 7 e meŋhu. ⁹ Lauŋgac nan seŋ gêŋ dau, nan si namba gitôm

4,000. Tiŋambu Yisu kêŋ ŋac sêlhö si, ¹⁰ ma inŋ ti ndê ŋgac-sêŋomi sêpi waŋ danŋ ma sêtêŋ gameŋ nanŋ sêsam bu Dalmanuta, nanŋ si.

Lau Palêsai sêndac Yisu bu kôm gêŋ dalô
(Mat 16:1-4)

¹¹ Lau Palêsai ŋatô sêtêŋ Yisu si, ma sic hu sêŋsu inŋ. Ŋac bu sêŋsahê inŋ, dec sêndac inŋ bu kôm gêŋ dalô danŋ bu tôc asê bu inŋ kôc ŋaclai yêc Anötö ndê. ¹² Magoc Yisu h ulai ma sôm têŋ ŋac, “Tu sake-ŋga mac lau têm dindec-ŋga aŋsalê gêŋ dalô? Yomandô wasôm t êŋ mac bu aö wakôm gêŋ dalô tôm mac andac, nanŋ danŋ dom.” ¹³ Goc inŋ hu ŋac siŋ ma pi waŋ tiyham whiŋ ndê ŋgac-sêŋomi ma sêlhö bu sêmbu sêpi bugictonŋ ŋadaŋga sêndi.

Yisu puc lau Palêsai ti Herod si giso asê
(Mat 16:5-12)

¹⁴ Têŋ ndoc ŋgacsêŋomi sêpi waŋ dau si, nanŋ sêŋlhiŋ dau siŋ bu sêkôc bolom ŋatô, ma ŋac si bolom tigenŋ yêc waŋ dau ŋalôm. ¹⁵ Ma Yisu sôm yom ti ŋaŋga têŋ ŋac bu, “Ayob daôm ŋapep pi lau Palêsai si yist ma Herod ndê yist.” ¹⁶ Ma ŋac sem yomgalôm sêwhiŋ dandi ma sêsôm, “Inŋ sôm yom dinaŋ ŋahu bu yac neŋ bolom mbasi.” ¹⁷ Yisu kêyalê yom nanŋ ŋac sêsôm, dec sôm têŋ ŋac, “Tu sake-ŋga mac am yomgalôm ma gauc gêm bu yom nanŋ aö gasôm pi yist, nanŋ ŋahu bu mac nem bolom mba? Bocke mac nem gauc sa pi gêŋ honŋ nanŋ aö gakôm, nanŋ dom? Mac nem ŋalôm ŋadandi sa, a? ¹⁸ Tanôm yêc, magoc mac alic gêŋ danŋ ŋapep dom. Danŋamsuŋ yêc, magoc mac aŋgô yom dom. Gauc nem gêŋ nanŋ aö gakôm su. ¹⁹ Têŋ têm nanŋ aö gac sam bolom amanŋdanŋ têŋ lau 5,000, nanŋ mac ahonŋ

ɲadêlê sa sip gatop hiŋga?” Ma sêsôm, “Gatop 12.”
²⁰ Goc Yisu sôm, “Ma têtj têtj naŋ aö gac sam bolom
 7 têtj lau 4,000, naŋ mac ahonj ɲadêlê sa sip gatop
 hiŋga?” Ma sêsôm “Gatop 7.” ²¹ Goc inj sôm têtj ɲac,
 “Ma bocke dec mac nem gauc sa su dom?”

Yisu kôm ɲgac tapec ɲayham sa

²² ɲac sêlac waŋ si e sêhóc asê malac Betsaida.
 Ma lau ɲatô sêkóc ɲgac tapec daŋ sêtêtj Yisu si, ma
 sêndac Yisu bu kêŋ amba sac inj. ²³ Goc Yisu kêŋ inj
 sip amba, ma wê inj sa malac ɲamakê gi. Inj hê gasôp
 pi inj tandô ma kêŋ amba sac inj, ma ndac, “Am gêlic
 gêŋ daŋ me mba?” ²⁴ Ma ɲgac dau hóc tandô sa ma
 sôm, “Aêc, aö galic ɲamalac sêŋsêlêŋ sêmbo, magoc
 galic ɲac ɲadauŋ-dauŋ. Aö galic ɲac sêtôm a.” ²⁵ Goc
 Yisu kêŋ amba sac inj tandô tiyham, ma inj tandô po
 asê ma ɲayham sa. Ma inj gêlic gêŋ honj ɲawa ɲayham.
²⁶ Goc Yisu kêŋ inj kölhö gi ma sôm, “Am lhö solop
 têtj nem andu ndi. Mbu sôc malac dec ndi dom.”

Pita hoc Yisu ɲahu asê (Mat 16:13-20; Luk 9:18-21)

²⁷ Tiŋambu Yisu ti ndê ɲgac-sêŋomi sêlhö bu sêtêtj
 malac ɲatô naŋ yêc kêpiŋ Sisaria-Pilipai sêndi.
 Sêŋsêlêŋ sêmbo seŋ ma Yisu ndac ɲac bocdec bu,
 “Lau sêsôm bu aö asa?” ²⁸ Ma ɲac sêsôm têtj inj,
 “Lau ɲatô sêsôm bu am Jon, ɲgac Kêku Lau-ɲga, ma ɲatô
 sêsôm bu am Elaija, ma ɲatô sêsôm bu am propet
 akwa-kwa si daŋ.” ²⁹ Dec inj ndac ɲac, “Ma mac
 daôm, mac asôm bu aö asa?” Ma Pita ô inj awha ma
 sôm, “Am Mesaya dau.” ³⁰ Goc Yisu gic yao ɲac bu
 sêsôm inj asê têtj lau daŋ dom.

*Yisu sôm gwanan bu in oc hóc nandê
(Mat 16:21-23; Luk 9:22)*

³¹ Têñ tēm dinan Yisu gic hu kêdôhôn nác pi gêñ nan oc hóc asê Namalac ndê Atu. In oc hóc nawapac daêsam, ma lau bata Israel-nga ti †dabuñsiga atu-tu ma lau nan sêndôhôn yomsu oc sêtec in. Lau oc sêndic in ndu, ma tiñambu bêc tö niñga su in oc tisa tiyham. ³² In sôm yom dinan yêc awê, dec Pita kôc in sa nasawa sauñ gi, ma sôm in. ³³ Magoc Yisu kac dau kwi, tahê ndê ngacsêñomi ma sôm Pita bocdec bu, “Sadan, kôc daôm sa lhô su! Bu am kêyalê Anötö ndê lêñ dom, am bu êmkuc namalac si gauc nambwa.”

*Lau nan sêñkuc Yisu oc sêhóc nawapac
(Mat 16:24-28; Luk 9:23-27)*

³⁴ Goc in mbwêc ndê ngac-sêñomi ti lau daêsam nan sêñkuc in, nan sêtêñ in sêmeñ, ma sôm têñ nác, “Asa nan tac whin bu êñkuc aö, nan êngwiniñ dau ma hóc ndê a gicso dau sa, ma êñkuc aö. ³⁵ Bu asa nan tac whin bu sap gêñ nom-nga dôn napan tu mbo tali-nga, nan oc niñga. Magoc asa nan bu hu gêñ nom-nga sin tu êñkuc aö-nga ma tu nawaeñ nayham-nga, nan oc niñga dom. ³⁶ Namalac dan bu po gêñ nom-nga hon sa, magoc in dau gatu bu niñga, dec gêñ nom-nga hon dinan oc tôm dom bu nem in sa. ³⁷ Bu gêñ nayham bocke yêc, nan gitôm bu dakêñ têñ Anötö ô yac neñ gatun?”

³⁸ “Lau tēm dindec-nga nác lau sac, ma sêpuc dômbwê Anötö ma sêsa si lêñ bambalin tôm lau mockain-nga. Asa nan kwahic dec maya tu aö ti

anew yom-n̄ga, nan̄ N̄amalac ndê Atu oc maya tu in̄-n̄ga t̄en̄ ndoc n̄ambu-n̄ga nan̄ in̄ mbu men̄ ti Damba Anötö ndê n̄awasi, ma an̄ela dabun̄ sêwhin̄.”

9

¹ Ma in̄ sôm t̄en̄ n̄ac, “Yomandô aö wasôm t̄en̄ mac! Lau n̄atô kwahic dec sêmbö, nan̄ oc gacgen̄ sêmbö tali e sêlic Anötö ndê gölin̄ men̄ sa tiawê ma ti n̄aclai atu.”

*Pita, Jems ma Jon sêlic Yisu ndê n̄awasi
(Mat 17:1-13; Luk 9:28-36)*

² Bêc 6 gin̄ga su goc Yisu kôc Pita, Jems ma Jon sêwhin̄ in̄, ma n̄ac tawasê sêpi lôc balin̄ dan̄ si. T̄en̄ t̄em̄ dinan̄ Yisu ndê n̄amlic kain̄ dan̄ sa, ma sêlic in̄ ndê n̄awasi. ³ In̄ ndê n̄akwê sêp sambuc ma n̄awasi atu, h̄oc ḡêlêc ḡen̄ sêsêp nom-n̄ga hon̄. ⁴ Ma sêlic Elaija lu Moses sêhoc dau asê, ma in̄lu sem yomgalôm sêwhin̄ Yisu. ⁵ Goc Pita sôm t̄en̄ Yisu, “Kêdôhôn̄waga, n̄ayham kêlêc bu yac dambo lec. Yac oc akwê bac tö tu mac ambo-n̄ga, am nem bac dan̄, Moses nde dan̄, ma Elaija ndê bac dan̄.” ⁶ Ngacsên̄omi tö dinan̄ sêtöc dau atu, ma bocdinar̄ Pita gêm gauc yom tu sôm-n̄ga. ⁷ T̄en̄ dinan̄ dao dan̄ men̄ kêgatöc n̄ac ahuc, ma awha dan̄ sa yêc dao n̄alôm, nan̄ sôm, “Aö neñ atun̄gac dau dindec, nan̄ aö atac whin̄ ndu andô. An̄gô in̄ ndê yom man̄.” ⁸ Ma n̄agahô n̄ac tahê gameñ dau, ma sêlic bu Yisu tawasê mbo whin̄ n̄ac.

*Gêndac pi Elaija
(Mat 17:10-13)*

⁹ Tin̄ambu n̄ac sêsip akên̄ lôc dau sêmen̄, ma Yisu kên̄ yao bu sêsôm yom pi ḡen̄ nan̄ sêlic yêc lôc, nan̄

asê dom e tòm Njomalac ndê Atu tisa akêñ lau batê-nga. ¹⁰ Tu dinañ-nga ñac sem yom dinañ ahuc yêc ñac dau, magoc sem yomgalôm sêwhiñ dandi ñapañ pi gêñ dau. Njahu bu Yisu ndê yom pi in tisa akêñ lau batê-nga, nañ sêñyalê njahu dom.

¹¹ Ma sêndac Yisu, “Lau Skraib nañ sêndôhôn yomsu, nañ sêsôm bu Elaija oc meñ hóc asê mun, ma tiñambu Mesaya oc meñ. Yom dau njahu bocke?” ¹²⁻¹³ Ma Yisu sôm, “Elaija gic waê bu hóc asê mun Mesaya, bu êmasañ gêñ hoñ tisolop. Ma aö wasôm têñ mac, bu Elaija meñ hóc asê su. Ma lau sêkôm mêtê sac têñ in tòm ñac atac whiñ, tòm Anötö ndê yom nañ sêto yêc gwanañ su. Ma yom nañ sêto yêc pi Njomalac ndê Atu nañ sôm bu in gic waê bu hóc ñandê atu, ma lau oc sêpu in ma sêtec in. Mac anjyalê yom dau njahu, me mba?”

*Yisu soc njalau sac su yêc balê danj
(Mat 17:14-21; Luk 9:37-43)*

¹⁴ Yisu ma ñgacsêñomi tö dinañ sêsip akêñ lôc dau sêmeñ ma sêlic bu kêdôhônwaga yomsu-nga ñatô ma Yisu ndê ñgacsêñomi ñatô sêsôm dau sêmbô, ma lau toñ atu sêñgihi ñac ahuc. ¹⁵ Têñ ndoc lau hoñ dinañ sêlic Yisu nañ sêhêdaê ñandô, ma sênti sêtêñ in si ti sêhê mwalêc in. ¹⁶ Ma Yisu ndac ñac bu, “Mac asôm daôm pi yom bocke?” ¹⁷ Ma njomalac danj nañ mbo lau toñ atu ñalôm, nañ ô yom ma sôm, “Kêdôhônwaga, aö gakôc aneñ balê dindec gamen, bu njalau sac danj mbo in ñalôm ma kôm in awha mba. ¹⁸ Têm ñatô njalau sac dau kôc in dôñ ma tuc in sip nom gi, kôm in whapwic sa ma señ lhô, ma in amba ti gahi ñanga sa. Aö gandac am nem ñgacsêñomi bu sêsoc njalau dau su, magoc ñac sêtôm

dom.” ¹⁹ Yisu ngô yom dau ma sôm, “O mac lau, aö gambo gawhin mac ñasawa hic baliñ su, ma bocke mac atôm dom bu akôm gêñ dan? Aö wambo wawhin mac ñapañ dom! Mac nem akêñ whin mbasi. Akôc balê dau sa amen.”

²⁰ Dec sêkôc balê dau sêtêñ Yisu sêmen, ma têtñ têtñ ñalau sac gêlic in, nañ ñagahô in kêmwanan balê dau ti ñanga, goc tuc in sip nom gi, ma in kêpi ti whapwic sa yêc nom. ²¹ G oc Yisu ndac balê dau ñadamba, “Ñalau sac kôm in bocdinañ tôm yala hinğa?” Ma damba sôm, “In mbo bocdinañ têtñ têtñ in balêkoc saun ñapañ e kwahic dec. ²² Ma ndoc daêsam ñalau sac dau tuc in peñ sip bu me sip ya, ma kôm bu ndic in ndu niñga. Tigen am bu nditôm, dec tamwalô alu ma nem alu sa.” ²³ Goc Yisu sôm têtñ in, “Bocke dec am sôm têtñ aö, ‘Am bu nditôm?’ Mac bu akêñ whin, dec gêñ honñ oc nditôm.” ²⁴ Ma ñagahô balê ñadamba ta yom ma sôm, “Aö gakêñ whin. Nem aö sa bu wakêñ whin ñanga.”

²⁵ Yisu gêlic bu lau daêsam sênti sêmen, dec hec yom ñalau sac ma sôm, “Am ñalau danğasun bic ma awha mba-ñga, aö wandic atu am bu hu balê dindec sin, ma sôc in ñalôm tiyham dom!” ²⁶ Goc ñalau sac dau mbwêc asê ma kêmwanan balê dau ñalêñ sac, goc sa awê gi. Ma balê dau yêc gitôm ngac batê dan, dec lau daêsam sêsôm, “In mbac ndu su.” ²⁷ Tigen Yisu kêm in sip amba, keñ in sa, ma in tisa kalhac.

²⁸ Tinambu Yisu sôc andu dan gi, ma in ndê ngacsênomi sêndac in gelec, “Bocke dec yac atôm dom bu asoc ñalau dinañ su?” ²⁹ Ma in sôm, “Mac bu asoc ñalau kain dinañ su, nañ aten mbec ñanga. Ñalêñ dan mba.”

*Yisu sôm tiyham bu in oc mbac ndu ma tisa
(Mat 17:22-23; Luk 9:43-45)*

³⁰⁻³¹ Yisu ti ndê ngacsêjomi sêhu gamej dinan sinj, ma sênsêlêj sêmbo gamej Galili-nga. Yisu bu êndôhônj ñac têtj têtj dinan, dec tec bu lau sênyalê gamej nanj ñac sêmbo. Inj sôm têtj ñac, “Tinambu oc sêkêj Ñamalac ndê Atu sip lau ñatô amba. Ñac oc sêndic inj ndu, magoc têtj bêc tö ninja su, inj oc tisa tiyham.” ³² Magoc ñac si gauc sa pi inj ndê yom dom, ma sêtöc dau bu sêndac inj pi yom dau ñahu.

*Asa ti ñamalac ñamata-nga?
(Mat 18:1-5; Luk 9:46-48)*

³³ Ñac sênsêlêj e sêhóc asê malac Kapenaom, goc si sêndöc andu danj. Ma Yisu ndac ñac, “Mac asenj daôm pi gêtj sake yêc senj?” ³⁴ Magoc ñac sem dôj, bu yêc senj ñac sem yomgalôm sêwhinj dandi pi ñac si asa inj ñac ñamata-nga. ³⁵ Yisu ndöc sic ma ta ngacsêjomi 12 sêtêj inj si, ma sôm têtj ñac, “A sa nanj bu ti ñamalac ñamata-nga yêc Anötö anjô-nga, nanj êngwininj dau ti ñac ñambu-nga, ma nem akinj lau honj.” ³⁶ Goc inj kôc balêkoc saun danj ma kêtj inj kalhac ñac ñalhu. Ma inj kêtjape inj ma sôm, ³⁷ “Asa nanj bu kôc balêkoc saun danj tôm inj dindec, nanj sa tu aö nenj ñaê-nga, nanj gitôm inj kôc aö daun sa. Ma asa nanj kôc aö sa, nanj kôc aö tarwasêj sa dom, magoc kôc Damanj nanj kêtj aö gamej, nanj sa bocdinanj.”

*Lau nanj sêkôm gwelenj tu Yisu-nga, nanj sêwhê dau
kôc dom
(Luk 9:49-50)*

³⁸ Têtj bêc danj Jon sôm têtj Yisu bu, “Kêdôhônjwaga, yac alic ñac danj kôm gwelenj ma

soc ñalau sac su yêc lau ña am nem ñaê. Yac ac yao in, bu in kêkuc am whin yac dom.” ³⁹ Magoc Yisu sôm, “Alhac in ahuc dom, bu ñamalac nan kôm gêñ dalô ña aneñ ñaê, nan gitôm dom bu kac ndê awha kwi ñagahô, ma sôm yom sac pi aô. ⁴⁰ Asa nan kêñ kisa yac dom, nan yac neñ dan. ⁴¹ Yomandô aô wasôm têt mac bu asa nan kôm gêñ saun dan bu nem mac sa tu mac añkuc aô Kilisi-ña, gitôm in kêñ bu laclhu dan têt mac anôm, nan Anötö oc êñlhin in sin dom. In oc kêñ ñagêyô ñayham têt in.”

Puc pi lêtôm

(Mat 18:6-9; Luk 17:1-2)

⁴² Ma Yisu sôm, “Ñamalac dan bu tim balêkoc saun dan nan kêñ whin aô bu kôm mêtê sac, nan kôm giso atu. Oc ñayham bu dasô hoc atu dan pi in kachu, ma tambalin in sip gwêc ndi ñinga. Ma bocdinañ oc tôm dom bu in tim balêkoc dau, ma tinambu tap Anötö ndê matôc sa.

⁴³⁻⁴⁴ “Am amam bu kôm sac, nan tim kic. Am bu tap undambê sa, ma ndöc tamli ti amam gatuc, nan ñayham hôc gêlêc am kôm sac ña amam lu-lu e am sip ya lambwam-ña nan sa ñapan, nan ndi. ⁴⁵⁻⁴⁶ Ma gahim bu kôm sac, nan tim kic. A m bu tap undambê sa, ma ndöc tamli ti gahim gatuc, nan ñayham hôc gêlêc am kôm sac ti gahim lu-lu e Anötö tuc am sip ya lambwam-ña nan sa ñapan, nan ndi. ⁴⁷ Ma am nem tanôm bu kôm sac, nan kip sa. Am bu ndöc Anötö ndê gameñ undambê-ña ti tanôm tigen, nan ñayham hôc gêlêc am kôm sac ti tanôm lu-lu e Anötö tuc am sip lambwam ndi. ⁴⁸ Yêc gameñ dinañ lau oc sêhóc ñandê ñapan, tôm

yom nanj Aisaya to yêc bocdec bu, ‘*Dombo oc mbac ndu dom, ma ya oc sa napanj.*’

49 “Bocdinañ ayob daôm tu lêtôm-nga, bu Anötö oc kêñ ya êmbô lau honj,* gitôm lau sêkêñ gwêc so pi wata tu bu yêc ñayham ñasawa baliñ. 50 Gwêc so dau inñ gêñ ñayham, magoc ñamakic bu niñga, oc dakôm ñamakic sa tiyham ñalêñ nde? Bocdinañ ambo lau nom-nga ñalôm atôm gwêc so, ma ambo awhiñ daôm ti yom malô.”

10

*Anötö tec bu awhê lu ñgac sêhu dau siñ
(Mat 19:1-12)*

1 Yisu ti ndê ñgacsêñomi sêhu gameñ dinañ siñ, ma sêtêñ gameñ Judia-nga si. Goc sêpi Bu Jordan ñadañga nanj yêc têtñ gameñ ac pi-nga, nanj si. Yêc gameñ dinañ lau daêsam sêkac sa tiyham ma sêtêñ inñ si, ma inñ kêkuc inñ ndê mêtê ma kêdôhônñ ñac.

2 Ma lau Palêsai ñatô sêmeñ ma bu sêtim Yisu, dec sêndac inñ bocdec bu, “Ñgac dañ bu hu ndê awhê siñ, nanj oc êñgili yomsu, me mba?” 3 Ma Yisu ndac ñac ô, “Moses to yomsu bocke?” 4 Goc sêsôm, “Moses sôm bu ñgac dañ gitôm bu to bapia hu nawhê siñ-nga, goc hu ndê awhê siñ.” 5 Ma Yisu sôm, “Aêc. Moses to yomsu dinañ tu mac nem ñalôm ñadandi-nga. 6 Magoc têtñ têtñ Anötö kêñ undambê ti nom,

* 9:49: Yom nanj yêc ñabatinj 49 nanj ñahu yêc awê dom, magoc lau ñatô gauc gêm bocdec bu. Anötö tac whiñ bu lau sêkêñ whiñ Yisu-nga sêhu mêtê sac honj siñ ma sêsa lêtñ gitêñ eñ. Gêñ bocke nanj bu lhac ñac ahuc tu sêtap gameñ undambê-nga sa, nanj sêhu siñ tôm yom nanj yêc ñabatinj 43-47 whê sa. Ma Anötö oc kêñ ya êmbô lau gitôm lau sêpec gol ña ya tu bu ñadômbwi niñga ma gol ñawasi solop yêc.

nañ inñ kêmasañ ñamalac ñgac ti awhê. ⁷ Ma tu dinañ-ña ‘*ñgac dañ oc hu damba lu dinda siñ, ma sap inñ nawhê dôñ,* ⁸ *ma inñlu sêti gêñ tigenñ.*’ Yom dau whê sa bu inñlu sêmbo sêtôm ñamalac lu dom, inñlu sêti gêñ tigenñ yêc Anötö anğô-ña. ⁹ Bocdinañ yham dom andô bu ñamalac sêkac gêñ nañ Anötö dau kêñ pitigenñ, nañ su.”

¹⁰ Tinambu Yisu ti ndê ñgac-sêñomi sêndöc andu dañ, ma sêndac inñ pi yom dinañ ñahu. ¹¹ Ma inñ sôm, “Ñgac nañ hu inñ ndê awhê siñ ma gêm awhê wakuc, nañ kôm gêñ mockainñ-ña têtñ inñ yêc Anötö anğô-ña. ¹² Ma awhê nañ hu nakwenñ siñ ma gêm ñgac wakuc, nañ kôm gêñ mockainñ-ña bocdinañ.”

Yisu gêm mbec balêkoc

(Mat 19:13-15; Luk 18:15-17)

¹³ Têtñ bêc dañ lau sêhoñ si balêkoc sêtêtñ Yisu si, bu inñ kêñ amba sac ñac. Magoc inñ ndê ñgac-sêñomi sêsôm dinda ti dambai. ¹⁴ Têtñ têtñ Yisu gêlic gêñ dau inñ tac ñandê, ma sôm têtñ ñac, “Atec balêkoc dinañ sêtêtñ aö sêmenñ. Alhac ñac ahuc dom, bu Anötö ndê gôliñ gic lau nañ sêtôm balêkoc saunñ dindec, nañ ñawaê. ¹⁵ Aö wasôm yomandô têtñ mac bu asa nañ bu sôc Anötö ndê gôliñ ñapu gitôm balêkoc saunñ dañ dom, nañ oc nditôm dom bu sôc ndi.” ¹⁶ Goc inñ kôc balêkoc dau sa ma kêgape ñac. Ma inñ kêñ amba sac ñac, ma gêm mbec ñac.

Ngac ti lêtôm

(Mat 19:16-22; Luk 18:18-23)

¹⁷ Yisu ti ma kêsêlêtñ mbo senñ whiñ ndê ñgacsêñomi. Ma ñgac dañ kêtñ menñ ma pônñ haduc yêc inñ anğô-ña, ma ndac inñ bocdec bu, “Kêdôhônñwaga ñayham, aö wakôm bocke dec tinambu

Anötö oc kôc aö sa wandöc tanji napan.” ¹⁸ Goc Yisu sôm têtj inj, “Tu sake-nğa am sam aö bu nğayham? Anötö tigenj inj nğayham. ¹⁹ Am kêyalê yomsu nan Anötö kêj têtj Moses, ‘*Ndic ñamalac ndu dom. Kôm gêtj mockaij-nğa dom. Nem kanj gêtj dom. Sôm yom tasanj pi lau dom. Êmsau lau bu kôc ñac si gêtj dom,*’ ma ‘*Toc damam lu dinam sa.*’ ” ²⁰ Ma inj sôm, “Kêdôhôn-waga, aö kakuc yomsu honj dinanj, têtj ndoc aö gambo balê napan e kwahic dec.” ²¹ Yisu tahê inj ma tac whinj inj kêlêc. Ma inj sôm, “Gêtj tigenj yêc tu am kôm-nğa. Am ndi, kêj am nem gêtj honj têtj lau sênemlhi, ma kêj ña-awa têtj lau ñalôm sawa. Ma bocdinanj am nem awa ñandô oc yêc undambê. Ma tiñambu am mweñ ma êmkuc aö.” ²² Magoc têtj têtj ñgac dau ñgô Yisu ndê yom dinanj inj wec, ma kôlhô ti ñalôm ñawapac gi. Nğahu bu inj ñgac ti lêtôm.

Puc pi awa ti wapa

(Mat 19:23-30; Luk 18:24-30)

²³ Goc Yisu tahê lau honj, ma sôm têtj inj ndê ñgacsênjomi, “Lau ti lêtôm si awa ti wapa kalhac ñac ahuc e gitôm dom bu sêsôc Anötö ndê gôlij ñapu ñagahô.” ²⁴ Nğac sênjô inj ndê yom dinanj e sêhêdaê. Ma Yisu sôm têtj ñac tiyham, “O anej balêkoc atac whinj-nğa, ñamalac bu sêsôc Anötö ndê gôlij ñapu, nanj gêtj sauñ dom. ²⁵ Bôc atu danj gitôm kamel, oc tôm bu sôc so ñalasê ñagahô, hóc gêtj ñgac ti lêtôm danj bu sôc Anötö ndê gôlij ñapu.” ²⁶ Yisu ndê ñgac-sênjomi sênjô yom dinanj ma sêhêdaê ñandô. Ma sêsôm têtj dandi, “Bu bocdinanj dec asa oc tôm bu tap Anötö ndê mwasiñ nem lau si-nğa sa? Oc ñawapac atu!” ²⁷ Yisu tahê ñac ma sôm, “Gêtj nanj

ɲamalac sêtom dom bu sêkôm, naɲ Anötö gitôm bu kôm, bu Anötö gitôm bu kôm gêɲ hoɲ.”

²⁸ Goc Pita sôm têtɲ inɲ, “Yac oc bocke? Yac ahu gêɲ hoɲ siɲ tu aɲkuc am-ɲga.” ²⁹ Ma Yisu ô yom ma sôm, “Aö wasôm yomandô têtɲ mac. Asa naɲ bu hu andu, me asidôwai, me lhuwêi, me dinda lu damba, me balêkoc, me nom siɲ tu aö-ɲga ma tu gwelenɲ ɲawaê ɲayham-ɲga, ³⁰ naɲ Anötö oc kêtɲ gêɲ kaiɲ dinaɲ daêsam têtɲ inɲ ô, têtɲ ndoc inɲ mbo nom. Ma inɲ oc tap kisa ti ɲawapac sa tu aö-ɲga whiɲ. Ma têtɲ têm ɲambu-ɲga, Anötö oc kôc inɲ sa, ma kêtɲ inɲ ndöc tali ɲapaɲ yêc undambê. ³¹ Tigenɲ lau daêsam naɲ kwahic dec sêti lau ɲamata-ɲga, naɲ oc sêti lau ɲambu-ɲga, ma lau ɲambu-ɲga oc sêti lau ɲamata-ɲga.”

*Yisu sôm tiyham bu inɲ oc mbac ndu
(Mat 20:17-19; Luk 18:31-34)*

³² Yisu wê inɲ ndê ɲgacsêɲomi ma sêɲsêlêɲ sêmbo senɲ bu sêtêɲ Jerusalem sêndi. Inɲ ndê ɲgac-sêɲomi sêɲsêlêɲ ti sêhêdaê, ma lau ɲatô naɲ sêɲsêlêɲ sêwhiɲ ɲac, naɲ sêtöc dau.* Bocdinaɲ Yisu kôc ɲgacsêɲomi 12 sêsa si sêlhac dau-ɲga, ma sôm yom tiyham pi gêɲ naɲ oc hôc asê inɲ. ³³ Inɲ sôm, “Kwahic dec yac bu dapi malac Jerusalem dandi, ma ɲgac daɲ oc hoc ɲamalac ndê Atu asê ma kêtɲ inɲ sip dabuɲsiga atu-tu ti kêdôhônɲ-waga yomsu-ɲga amba. ɲac oc sêkic yom bu sêndic inɲ ndu, ma sêkêɲ inɲ sip lau Rom-ɲga amba. ³⁴ ɲac oc sêsu inɲ susu, sêhê gasôp pi inɲ, sêndic inɲ ɲamlic ɲandê ma sêndic inɲ

* **10:32:** Lau naɲ sêɲkuc Yisu naɲ sêhêdaê ti sêtöc dau, ɲahu bu ɲac gauc gêm yom naɲ Yisu sôm têtɲ ɲac su, pi gêɲ naɲ oc hôc asê inɲ têtɲ têm inɲ bu pi Jerusalem ndi. Alic Mak 8:31; ma 9:30.

ndu. Magoc tiŋambu bêc tö niŋga su, goc iŋ oc tisa tiyham.”

Jems lu Jon bu sêhóc gêlêc ŋgacsêŋomi ŋatô
(Mat 20:20-28)

³⁵ Jems lu Jon, Sebedi ndê atunƣac lu, sêtêŋ Yisu si ma sêsôm, “Kêdôhônŋwaga, alu atac whiŋ gêŋ daŋ, ma bu andac am bu kôm gêŋ dau ŋandô sa.” ³⁶ Goc Yisu ndac, “Amlu atac whiŋ bu aô wakôm sake?” ³⁷ Ma sêsôm, “Alu atac whiŋ bu têŋ ndoc am ndöc nem pôn kiŋ-ŋga ti ŋawasi atu, naŋ am kêŋ alu andöc awhiŋ am, daŋ ndöc amam andô-ŋga ma daŋ ndöc gasê-ŋga.” ³⁸ Magoc Yisu ô yom ma sôm, “Amlu aŋyalê gêŋ naŋ amlu andac, naŋ dom. Amlu atôm bu anôm gêŋ sip laclhu ŋawapac-ŋga naŋ aô wanôm, a? Ma atôm bu aliŋ saŋgu† naŋ aô oc waliŋ, a?” ³⁹ Ma iŋlu sêsôm, “Aêc, alu atôm.” Goc Yisu sôm, “Yomandô! Amlu oc anôm gêŋ sip laclhu tôm aô wanôm, ma aliŋ saŋgu tôm naŋ aô waliŋ. ⁴⁰ Magoc aô dec oc waŋyaliŋ lau sa bu sêndöc aô amanŋ andô-ŋga ti amanŋ gasê-ŋga, naŋ dom. Anötö ti ŋadau bu ênyaliŋ lau sa bu sêndöc dinaŋ.”

⁴¹ Têŋ ndoc ŋgacsêŋomi 10 sêŋgô yom dau ŋawaê, naŋ ŋac tac ŋandê têŋ Jems lu Jon. ⁴² Goc Yisu mbwêc ŋac sêtêŋ iŋ si, ma sôm, “Mac aŋyalê bu lau sambuc si gôliŋwaga sêtoc dau sa têŋ ŋac si lau, ma ŋac si lau bata sêŋgwiniŋ lau naŋ sêmbo ŋac ŋapu. ⁴³ Tigeŋ mac aŋkuc ŋac si mêtê dau dom. Mba! Mac nem asa bu ti ŋamalac tiwaê yêc Anötö aŋgô-ŋga, naŋ nem akiŋ mac. ⁴⁴ Aêc! Asa bu ti mac nem

† **10:38:** Yisu ndê yom pi laclhu naŋ iŋ oc nôm, ma saŋgu naŋ iŋ oc liŋ, naŋ ŋahu sip ŋawapac daêsam naŋ oc hóc asê iŋ.

ɲamalac ɲamata-ɲga, naɲ êɲgwiniɲ dau ma ti mac honɲ nem ɲgac akiɲ ɲambwa. ⁴⁵ ɲahu bu lêɲ dau ti aneɲ lêɲ. ɲamalac ndê Atu meɲ tu bu lau sênem akiɲ in-ɲga dom. Mba. In meɲ bu nem akiɲ lau, ma bu kêɲ dau ti da bu nemlhi lau daêsam si sac ɲatôp.”

*Yisu kôm ɲgac tapec Batimeas ɲayham sa
(Mat 20:29-34; Luk 18:35-43)*

⁴⁶ Yisu ti ndê ɲgacsêɲomi sêɲsêlêɲ e sêhóc asê malac Jeriko, ma lau toɲ atu sêɲkuc ɲac. Têɲ ndoc ɲac bu sêhu Jeriko siɲ, naɲ sêtap ɲgac tapec daɲ sa, naɲ ndóc seɲ ɲamakê ma teɲ gêɲ. In Batimeas, ɲgac daɲ ɲaê Timeas ndê atunɲac. ⁴⁷ Têɲ têm in ɲgô bu Yisu Nasaret-ɲga kêsêlêɲ mbo seɲ, naɲ gic hu mbwêc yom asê bocdec bu, “Yisu, †Dawid ndê Atu, tamwalô aö!” ⁴⁸ Goc lau daêsam sêhec yom in ma sêsôm bu in nem dôɲ. Magoc in mbwêc ti ɲaɲga, “Dawid ndê Atu, tamwalô aö.” ⁴⁹ Yisu ɲgô ɲac si yom ma kwê dôɲ kalhac, goc sôm têɲ lau, “Mac asôm têɲ in bu meɲ.” Goc sêta yom têɲ ɲgac tapec dau ma sêsôm, “Tisa ti atac ɲayham! In ta am bu mweɲ.” ⁵⁰ Goc ɲgac dau kac ndê ɲakwê andô-ɲga baliɲ su yêc nom, ma tisa ɲagahô ma têɲ Yisu gi. ⁵¹ Ma Yisu ndac in, “Am tac whiɲ bu aö wakôm sake têɲ am?” Ma ɲgac tapec dau sôm, “Kêdôhôn-waga, aö tac whiɲ bu tanônɲ ɲayham sa.” ⁵² Goc Yisu sôm, “Am ndi! Am nem kêɲ whiɲ aö dec kôm am ɲayham sa.” Ma ɲagahô in tandô ɲawa sa, ma in kêkuc Yisu mbo seɲ.

*Yisu sôc Jerusalem gi
(Mat 21:1-9; Luk 19:28-40; Jon 12:12-15)*

¹ Yisu ti ndê sêḅomi sêḅsêlêḅ sêḅêganôḅ Jerusalem e sêsuḅ sa malac Betani ma malac Betpagi yêc Lôc Olib. Goc Yisu kêkiḅ ndê ḅgacsêḅom lu, ² ma sôm têḅ iḅlu, “Asôc malac dindê andi, ma yêc dindê amlu oc atap donḅi dan sa, nan sêso dôḅ kalhac. Iḅ donḅi ḅatu wakuc, nan ḅamalac dan ndôc ḅahô muḅ su dom. Anḅapwêc su ma akôc sa amen. ³ Ma lau bu sêndac amlu bu bocke ma amlu anḅapwêc donḅi dau, nan asôm têḅ ḅac bu, ‘Pômdau tac whiḅ bu donḅi dindec nem iḅ sa ḅasawa sauḅ, goc iḅ oc kêḅ mbu meḅ.’ ”

⁴ Bocdinaḅ dec iḅlu sêso malac dau si ma sêtap donḅi dan sa, nan lau sêso dôḅ kalhac seḅ ḅadali k êpiḅ andu dan. Iḅlu bu sêḅapwêc su, ⁵ ma lau ḅatô nan sêlhac sêmpiḅ, nan sêndac iḅlu, “Amlu akôm sake, dec bu anḅapwêc donḅi dau su?” ⁶ Ma iḅlu sêso ḅac si yom tôm Yisu sôm têḅ iḅlu, dec sêhu donḅi dau siḅ têḅ iḅlu. ⁷ Sêwê iḅ sa sêtêḅ Yisu si, ma sêhu si ḅakwê awê-ḅga sac donḅi, goc Yisu pi gi ndôc ḅahô. ⁸ Ma lau daêsam sêhê si ḅakwê yêc seḅ. Ma lau ḅatô sêhêako a ḅalauḅ yêc seḅ ḅamakê ma sêkêḅ yêc seḅ. ⁹ Lau nan sêmuḅ Yisu ti lau nan sêḅkuc iḅ, nan sêmbwêc “Hosana! Anôtô nem mbec ḅgac nan meḅ gêm Pômdau anḅô. ¹⁰ Anôtô nem mbec iḅ nan meḅ bu puc abanḅ Dawid ndê gôliḅ dôḅ. Hosana têḅ Anôtô lôlôc-ḅga.”

¹¹ Yisu hêc asê Jerusalem, goc sôc lôm dabuḅ ḅabatêmdô gi, ma gêlic gêḅ sambob nan yêc dindê. Magoc ac gi su dec iḅ ti ndê ḅgacsêḅomi 12 sêmbu sêsa malac Betani si bu sêyêc dindê.

Yisu pucbo a kiñ dañ
(*Mat 21:18-19*)

¹² Têñ bêbêc Yisu ti ndê ñgac-s êñomi sêhu Betani siñ ma sêñsêlêñ sêmbo señ, ma gêñ yô Yisu. ¹³ Inj gêlic a kiñ dañ nañ kalhac ahê, goc têtñ a dau gi. Têm dinañ inj têtñ nañ a kiñ sem ñandô dom, magoc Yisu gêlic bu a dinañ ñalauñ kêsôlô su dec kêtñ bata bu mboe kiñ ñandô oc sêñgalêñ. Magoc ñandô mbasi, inj tap ñalauñ ñambwa sa. ¹⁴ Goc inj pucbo a dau ma sôm, “Lau dañ oc sêneñ ñandô yêc a dindec tiyham dom.” Ma inj ndê ñgacsêñomi sêñgô yom dau.

Yisu soc lau su yêc lôm dabuñ
(*Mat 21:12-17; Luk 19:45-46*)

¹⁵ Yisu ti ndê sêñomi sêñsêlêñ si e sêhóc asê Jerusalem, ma sêtêñ lôm dabuñ si. Yêc lôm dabuñ ñabatêmdô lau sêtidulu gêñ ti semlhi gêñ sêmbo, ma Yisu gic hu soc ñac sêsa awê. Inj kac lau sêo mone-ñga si tebo sa, ma kac lau nañ sêyob balusi bu lau sênemlhi,* nañ si pôn sa whiñ. ¹⁶ Ma inj gic yao lau bu sêkôc wapa sêtidulu-ñga sôc lôm dabuñ ñagameñ tiyham dom. ¹⁷ Ma inj kêdôhôn lau ma sôm, “Sêto Anötö ndê yom yêc bocdec bu, ‘*Aö neñ andu gic waê bu lau akêñ gameñ hoñ sêteñ mbec sêmbo-ñga.*’ Mac añyalê yom dau, ma bocke dec mac akôm Anötö ndê andu ti lau kañ si gameñ?”

¹⁸ Tiñambu dabuñsiga atu-tu ma lau nañ sêndôhôn yomsu, nañ sêñgô ñawaê pi gêñ nañ Yisu kôm, ma sêñyalê bu lau sambob sêhêdaê tu inj ndê yom-ñga. Tu dinañ-ñga dec sêtôc Yisu, ma

* **11:15:** Alic yom ñapu-ñga (footnote) yêc Mat 21:12.

sêḡsalê lêḡ bu sêḡdic iḡ ndu. ¹⁹ Yisu ti ndê ḡgac-sêḡnومي sêḡbo Jerusalem e ac gi sip, dec sêḡbu sêḡsa si.

*Yom pi lêḡ dakêḡ whiḡ ti daten mbec-ḡga
(Mat 21:20-22)*

²⁰ ḡḡalaḡsê bêbêc Yisu ti ndê ḡgacsêḡnومي sêḡsêlêḡ bu sêḡbu sêḡtêḡ Jerusalem sêḡdi, ma sêḡhêc asê a kiḡ naḡ Yisu pucbo. ḡac sêḡlic bu a dau mbac, ḡasaḡḡac ti ḡḡawakac hoḡ tibasô. ²¹ Ma Pita gauc gêm Yisu ndê yom, dec sôm têḡ iḡ, “Kêḡdôhêḡwaga, lic a kiḡ naḡ am pucbo, naḡ mbac su.” ²² Goc Yisu ô yom ma sôm têḡ ḡac, “Akêḡ whiḡ Anôtô. ²³ Aô wasôm yomandô têḡ mac, bu asa naḡ bu sôm têḡ lôc daḡ bu, ‘Puc daôm sa ma sip ḡwêc ḡalôm ndi,’ ma atac lu-lu dom magoc kêḡ whiḡ bu Anôtô oc kôm yom dau ḡandô sa, dec gêḡ dau oc ḡandô sa. ²⁴ Boc-dinaḡ aô bu wasôm têḡ mac bu gêḡ bocke naḡ mac bu atenḡ Anôtô bu kêḡ têḡ mac, naḡ akêḡ whiḡ bu mac akêc su, ma aô wasôm yom ḡandô, iḡ oc kêḡ têḡ mac. ²⁵⁻²⁶ Ma têḡ ndoc mac bu atenḡ mbec, ma bu gauc nem lau naḡ sêkôm sac têḡ mac, naḡ goc asuc ḡac si sac kwi. Ma mac nem Damam naḡ mbo undambê, oc suc mac nem sac kwi bocdinaḡ.”

*Gêḡdac pi Yisu ndê ḡḡalai ḡahu
(Mat 21:23-27; Luk 20:1-8)*

²⁷ Yisu ti iḡ ndê ḡgacsêḡnومي sêḡhêc asê malac Jerusalem tiyham ma sêḡtêḡ lôm dabuḡ si. Yisu kêsêlêḡ mbo lôm dabuḡ ḡabatêm-ndô, ma dabuḡsiga atu-tu ti kêḡdôhêḡwaga yomsu-ḡga ma lau bata sêḡḡasuc iḡ. ²⁸ Ma sêḡdac iḡ, “Am kêc ḡḡalai yêc nde, bu kôm gêḡ hoḡ naḡ am kôm? Asa

kêñ têt am?” ²⁹ Goc Yisu sôm têt ñac, “Gêñ ñamata-
 ñga aô wakêñ gêndac dan têt mac. Mac bu aô aneñ
 yom, dec wasôm aneñ ñac lai ñahu asê têt mac.
³⁰ Asa kêñ ñac lai têt Jon dec in kêku lau? Anötö kêñ
 ñac lai têt in, me mba? Asôm têt aô.”

³¹ Ñac sem yomgalôm pi Yisu ndê gêndac, ma
 sêsôm têt dau, “Yac bu dasôm bu Anötö kêñ ñac lai
 têt Jon, goc Yisu oc ndac yac, ‘Tu sake-ñga mac
 akêñ whiñ Jon dom?’ ³² Magoc yac bu dasôm
 bu Jon kêku lau kêkuc ñamalac nom-ñga si gauc
 ñambwa, goc lau oc sêlic yac sac.” Ñac sênjalê bu
 lau daêsam sêlic Jon bu propet dan, dec sêtöc dau.
³³ Bocdinañ sêsôm têt Yisu, “Yac añjalê dom.” Ma
 in sôm têt ñac, “Bocdinañ aô wasôm aneñ ñac lai
 ñahu asê têt mac dom.”

12

Yom gôlin pi lau sêyob ôm wain-ñga (Mat 21:33-46; Luk 20:9-19)

¹ Ma in gic hu yom gôlin dan ma sôm têt lau bata
 Israel-ñga dinañ, “Ngac dan sô ôm wain-ñga dan.
 In sô tuñ sa, kêmasañ gameñ tu lau sêmasañ wain
 ñakwi-ñga, ma kwê andu baliñ dan bu lau sêlhac ma
 sêtíp lau kan. Tiñambu in kêñ ôm dau têt lau ñatô
 sêyob, ma kölhö gi mbo gameñ dan. ² Têt têt sêndic
 wain ñandô sa-ñga, nañ ñadau kêkin ñgac akiñ dan
 têt lau sêyob ôm-ñga, tu bu sêkêñ wain ñandô ñatô
 têt in. ³ Tigeñ ñac sêlô in dôñ, sic in ñamlic ñandê,
 ma sêkêñ in kölhö amba sawa gi. ⁴ Goc ñadau kêkin
 ñgac akiñ dan tiyham, tigeñ ñac sic in pi ñagôlôn,
 ma sêkôm mêtê sac têt in. ⁵ Tiñambu ñadau kêkin
 ñgac titö-ñga, magoc ñac sic in ndu. Ma in kêkin lau

daêsam tiyham, ma ñac sic ñatô ñamlic ñandê, ma sic ñatô ndu. ⁶ Tiñambu ñgac tigen mbo, nañ ñadau ndê atunğac, nañ in tac whin ndu andô. Goc ñadau kêkin ndê atu dau têt ñac gi, ma gauc gêm têt dau, ‘Lau nañ sêyob aneñ ôm, nañ oc sêtoc aneñ atunğac dindec sa.’ ⁷ Tigen têt têt ñadau ndê atu hóc asê, nañ lau sêyob ôm-nga sêsôm têt dau, ‘Ñgac dinañ in ñadau ndê atunğac nañ oc wêkain ôm dindec ti ndê gêt lêngsêm. Bocdinañ dandic in ndu ma dakôc ôm dindec su ti yac neñ.’ ⁸ Ma sêkôc atunğac, sic in ndu ma sêtuc in sa awê gi.”

⁹ Goc Yisu ndac, “Mac gauc gêm bu ôm ñadau oc kôm sake têt lau nañ sêyob in ndê ôm? In oc meñ ma ndic ñac ndu, ma kêñ ôm dau têt lau ñatô sêyob. ¹⁰ Gauc nem yom nañ sêto yêc bocdec bu, ‘*Hoc nañ lau sêkwê andu-nga sêtec, nañ kwahic ti hoc ñamata-nga yêc andu dau.*’ ¹¹ *Pômdau kôm gêt dau, mayac alic ñayham.*’ Mac asam yom dau su, me?”

¹² Têt dinañ lau bata Israel-nga sênşyalê bu Yisu sôm yom gôlin dau hêganôn ñac, dec sênşsalê lêt bu sêkôc in dôñ. Magoc sêtôc lau toñ atu nañ sêmbo sêwhin Yisu, ma tu dinañ-nga sêhu in sin ma sêlhô si.

*Lau bu sêtim Yisu pi yom takis-nga
(Mat 22:15-22; Luk 20:20-26)*

¹³ Tiñambu lau bata dinañ sênşsalê lêt bu sêtim Yisu bu sôm yom so dañ. Ñac sênşkin lau Palêsai ñatô sêwhin lau Israel-nga ñatô nañ sêpuc Herod ma lau Rom-nga si gôlin dôñ, nañ sêtêt Yisu si. ¹⁴ Ñac sêhóc asê in ma sêsôm, “Kêdôhôn-waga, yac añşyalê bu am ñgac sôm yom ñandô-nga. Am gauc gêm lau si waê dom, ma toc ñac hoñ sa ñalêt tigen.

Ma am kêdôhôn Anötö ndê lêñ têñ lau kêkuc yom ñandô solop. Kwahic dec yac bu andac am bu in solop bu yac dakêñ takis t êñ †Sisa, me mba? Yac oc danemlhi takis, me mba?”

¹⁵ Yisu ñgô yom dau, tigen in kêyalê bu ñac gauc gêm bu sêtim in, dec sôm, “Tu sake-nga mac bu atim aô? Akôc mone silba dan ma atôc têñ aô.” ¹⁶ Goc sêkêñ mone dan têñ in, ma in ndac ñac, “Asa ndê ñagatu ti ñaê yêc mone dindec?” Ma sêo yom ma sêsôm, “Sisa ndê.” ¹⁷ Dec Yisu sôm, “Bocdinañ atoc Sisa sa ña gêñ nan gic in ñawaê, ma atoc Anötö sa ña gêñ nan gic in ñawaê.” Ñac sêngô Yisu ndê yom dau, ma sêhêdaê tu in ndê gauc-nga.

Lau Sadiusi bu sêtim Yisu pi yom datisa akêñ lau batê-nga

(Mat 22:23-33; Luk 20:27-38)

¹⁸ Ma lau †Sadiusi ñatô sêtêñ Yisu si, bu sêkêñ gêndac dan têñ in. Ñac lau Israel si ton dan, nan sêkêñ whin dom bu lau batê oc sêtisa tiyham. ¹⁹ Ma ñac sêndac in bocdec bu, “Kêdôhônwaga, Moses to yac neñ yomsu dan bocdec bu. Ñgac dan bu ndê dôwa nem awhê sa ma bu mbac ndu ma balêkoc mbasi, nan ñgac dau oc nem dôwa ndê awhê sawa, ma kwê balêkoc asê tu dôwa-nga. ²⁰ Têñ ndoc dan asidôwai 7 sêmbo. Ñgac ñamata-nga gêm awhê sa, magoc mbac ndu, ma balêkoc mba. ²¹ Goc in asi, ñgac tilu-nga, gêm awhê sawa dau, magoc mbac ndu ma balêkoc mba. Ñgac titô-nga bocdinañ, ²² ma asidôwa hale bocdinañ, hon sem awhê sawa dau sa, magoc sêmbac ndu, ma balêkoc mba. Ma tinambu awhê dau mbac ndu. ²³ Kwahic dec yac bu andac am bocdec bu. Lau batê bu sêtisa tôm

lau ñatô sêsôm, dec awê dau oc ti asidôwa asa ndê awê? Bu asidôwai 7 dinañ hoñ sem awê tigen dinañ su têt ndoc sêmbo tali.”*

²⁴ Ma Yisu sôm têt ñac, “Mac akôc gauc so, bu mac aňyalê Anötö ndê yom ti in ndê ñac lai dom. ²⁵ Têt têt lau batê sêtisa, nañ lau oc sênem dau dom. Ñac oc sêmbo sêtôm aňela undambê-ñga. ²⁶ Ma yom dañ tiyham tôc asê bu lau batê oc sêtisa. Mac asam su yêc Moses ndê buku. Têt ndoc Moses gêlic ya golom a dañ, nañ Anötö sôm têt in bu, ‘*Aô Abraham ndê Anötö, Aisak ndê Anötö ma Jakob ndê Anötö.*’ ²⁷ Lau batê bu sêtisa dom, dec tu sake-ñga Anötö sam dau bu lau tö dinañ si Anötö? In lau batê si Anötö dom, in lau tali si Anötö. Mac nem gauc in so sambuc.”

Yomsu ñamata-ñga

(Mat 22:34-40; Luk 10:25-28)

²⁸ Kêdôhônwaga yomsu-ñga dañ kalhac whin lau nañ sêkên dañga Yisu ma lau Sadiusi si yom, ma in gêlic bu Yisu ô lau Sadiusi si yom ñapep. Bocdinañ in ndac Yisu, “Anötö ndê yomsu bocke ti yomsu ñamata-ñga?” ²⁹ Ma Yisu sôm, “Yomsu ñamata-ñga nañ hôc gêlêc yomsu hoñ nañ bocdec, ‘*Mac lau Israel-ñga aňgô! Pômdau yac neñ Anötö in Pômdau tigen.*’ ³⁰ *Atac whin Pômdau am nem Anötö ti am nem ñalôm sambuc, ti gatôm sambuc, ti gauc sambuc, ma ti licwalô sambuc.*’ ³¹ Ma yomsu tilu-ñga bocdec yêc, ‘*Atac whin lau meñpañ am-ñga, tôm am atac whin am daôm.*’ Yomsu lu dinañ sêhêc gêlêc yomsu hoñ su.”

* **12:23:** Lau Sadiusi gauc gêm bu ñac si gêndac dau tôc asê bu lau batê oc sêtisa tiyham dom.

³² Goc kédôhôngwaga yomsu-nga dau sôm têñ Yisu, “Kédôhôngwaga, am sôm solop. Yomandô, Anötö tigenj mbo, ma anötö ñandô ñañ mbo dom. ³³ Ma yac bu atac whiñ A nötö ti neñ ñalôm sambuc, ti gauc sambuc, ma ti licwalô sambuc, ma yac bu atac whiñ lau menpañ yac-nga tôm yac atac whiñ yac dauñ, nañ hóc gêléc bu yac dakêñ wata ti da pi ya ndi, me bu dakêñ gêñ ñatô ti da.” ³⁴ Yisu gêlic bu ñgac dau ô yom ti gauc ñayham, dec sôm têñ iñ, “Êmkuc gauc ñayham dinañ dec am oc tôm bu mbo Anötö ndê gôliñ ñalôm.”

Yisu sôm yom dinañ, ma tiñambu lau sêtöc bu sêkêñ gëndac têñ iñ tiyham.

*Yisu kêsahê lau si gauc pi Mesaya
(Mat 22:41-46; Luk 20:41-44)*

³⁵ Yisu kédôhông lau mbo lôm dabuñ ñamakê, ma ndac ñac, “Bocke ma lau †Skraib sêsam Mesaya bu Dawid ndê Atu? ³⁶ Dawid dau hoc yom asê tôm Ñalau Dabuñ puc iñ dôñ, ma to yom pi Mesaya bocdec bu, ‘Anötö sôm têñ aneñ Pômdau, “Am ndöc aö amanñ andô-nga e nditôm aö wakêñ nem ñacyo sêsôc am gahim ñapu.” ’ ³⁷ Dawid dau sam Mesaya bu iñ ndê Pômdau, ma bocke dec lau sêsam iñ bu Dawid ndê Atu?” Ma lau honñ sêngô Yisu ndê yom ti atac ñayham atu.

*Yisu ndê puc pi lau Skraib si mêtê sac
(Mat 23:1-7; Luk 20:45-47)*

³⁸ Ma Yisu kédôhông lau ma sôm, “Ayob daôm ñapep bu anjkuc lau Skraib si gêbôm dom. Ñac sêsôc ñakwê baliñ ma sêñsêlêñ sêmbo malac lôm, bu ñac atac whiñ bu lau sêtöc ñac sa ma sêhê mwalêc ñac. ³⁹ Ñac atac whiñ bu sêndöc mala ñamata-nga yêc lôm

wê-nga, ma sêndöc lau tiwaê si mala têtj ndoc sênej mwasiñ. ⁴⁰ Yêc lau hoñ aṅgô-nga lau dau sênej mbec baliñ. Magoc têtj ndoc lau sêlic ñac dom, nañ sêñsau lauwhê sawa bu sêñgaho ñac si andu su. Anötö oc êmatôc ñac, ma kêtj ñagêyô sac sambuc têtj ñac.”

Awhê tuc dañ kêtj da dañge
(Luk 21:1-4)

⁴¹ Tiñambu Yisu ndöc sic ndöc lôm dabuñ ñabatêmdö kêtjñ apa nañ lau sêkêtj si da sip-nga, ma tahê lau hoñ nañ sêkêtj si da sip apa dau. Lau ti lêtôm daêsam sêkêtj awa atu. ⁴² Tigen awhê tuc ñalôm sawa dañ meñ ma kêtj awa saun lu gitôm wan toea lu sip apa da-nga. ⁴³ Goc Yisu ta ndê ñgac-sêñomi sêmeñ ma sôm, “Yomandô, aö wasôm têtj mac bu yêc Anötö aṅgô-nga awhê tuc ñalôm sawa dindec kêtj da nañ hóc gêtêc lau hoñ si da su. ⁴⁴ Nahu bu lau ti lêtôm hoñ sêkêtj si da, magoc ñac si awa daêsam gacgeñ yêc ñac-nga. Magoc awhê dindec iñ awhê ñalôm sawa, ma iñ kêtj ndê gêtj hoñ ti da.”

13

Yisu sôm yom pi lôm dabuñ Jerusalem-nga
(Mat 24:1-2; Luk 21:5-6)

¹ Têtj ndoc Yisu bu hu lôm dabuñ ñagamen siñ, nañ iñ ndê ñgacsêñom dañ sôm têtj iñ, “Kêdôhônwaga, lic hoc atu-tu ma andu ñayham kêtêc nañ sêkwê sa sêlhac dec.” ² Magoc Yisu ô yom ma sôm têtj iñ, “Am lic andu atu-tu ti lôm dabuñ dindec! Aö wasôm têtj am, bu tiñambu ñacyo oc

sêsej hoc atu-tu honj dindec su e hoc danj oc ndöc hoc danj ñahô tiyham dom.”

Gêj wapac têm ñambu-ñga-ñga
(*Mat 24:3-14; 10:17-22; Luk 21:7-19*)

³Ñac sêsa sêtêj Lôc Olib si, ma tiñambu Pita, Jems, Jon ma Andru tawasê sêtêj Yisu si ma sêndöc anjô têtj lôm dabuj yêc malac Jerusalem. Ma ñac sêndac inj bocdec bu, ⁴“Sôm têtj yac bu ñawapac nanj am sôm yom pi, nanj oc hóc asê Jerusalem têtj têm bocke, ma gêtj sake oc kêtj puc yac bu têm dau meñ kêtj?” ⁵Goc Yisu sôm têtj ñac, “Ayob daôm ñapep bu lau danj sêñsau mac dom. ⁶Bu lau daêsam oc sêmeñ sênem aö anjôj ma sêsôm, ‘Aö Mesaya daun dec,’ ma oc sêñsau lau daêsam. ⁷Ma têtj ndoc mac anjô ñawaê bu lau sic siñ têtj dau me sêmasañ dau tu sêndic siñ-ñga, nanj asö dom. Bu gêtj honj dinañ gic waê bu meñ sa, m agoc têm ñambu-ñga yêc dôj yêc. ⁸Kinj nom-ñga oc sêkêtj kisa dau, ma lau gameñ danj oc sêndic siñ têtj lau gameñ danj. Tiyhó oc nem yêc gameñ honj, ma tôbôm oc sa. Gêtj honj dinañ oc ndic hu ñawapac têm ñambu-ñga-ñga, gitôm awhê nanj kêsahê balêkoc tunj inj ma gêtj dau gic hu ñandê atu nanj inj oc hóc tu kóc balêkoc-ñga.

⁹⁻¹⁰“Gêtj ñamata-ñga lau oc sêhoc ñawaê ñayham asê têtj lau sambob, ma têtj dinañ têm ñambu-ñga oc meñ hóc asê. Ayob daôm ñapep. Lau oc sêwê mac atêtj lau sêmatóc yom-ñga andi, ma sêhi mac ña sö yêc lôm wê-ñga. Tu aö-ñga dec lau oc sêkêtj mac alhac gôliñwaga ti kinj anjô-ñga, magoc ndoc dinañ ti têm bu mac ahoc yom ñandô asê têtj ñac. ¹¹Têtj têm nanj sêkóc mac dôj ma sêwê mac atêtj lau sêmatóc mac-ñga andi, nanj ahêgo daôm tu yom

asôm-nga dom. Asôm yom nanj Anötö oc kênj têtj mac têtj ndoc dinanj, bu mac daôm oc asôm yom dom, Njalau Dabunj oc sôm.

¹² “Têtj ndoc njawapac-nga dinanj, lau nanj sêkênj whinj dom oc sêhoc si asidôwai sêkênj whinj aö-nga asê bu sêndic njac ndu, ma dambai oc sêkôm têtj atui boc-dinanj. Balêkoc oc sêli dau sa têtj damba ti dindai, ma sêkênj njac sêtêtj lau bu sêndic njac ndu. ¹³ Lau honj oc sêtec mac tu aö nenj njaê-nga. Magoc asa nanj bu lhac njanja ma hu aö sinj dom e ndê têtj pacndê, nanj oc tap Anötö ndê mwasiñ nem inj si-nga sa.”

*Njawapac gameñ Judia-nga
(Mat 24:15-28; Luk 21:20-24)*

¹⁴ “Gênj sac sambuc nanj oc kôm gameñ tisac, nanj lau oc sêkênj lhac gameñ nanj gic inj njawaê dom. (Asa nanj sam yom dindec, nanj kôc gauc njapep, bu njahu yêc sinj dau.) Mac lau asa nanj ambo gameñ Judia-nga ma alic gênj dau, nanj honj alhö api gameñ lôc-nga andi. ¹⁵ Alhö njagahô ma gauc nem mac nem gênj danj dom. Lau nanj sêñwhañ dau sêndöc andu njasactô, nanj sêsôc andu njalôm bu sêkôc si gênj danj tôhônj dom. ¹⁶ Ma njac nanj sêmbo ôm, nanj bocdinanj. Sêkac dau kwi bu sêkôc si gênj njatô dom. ¹⁷ Oyaê. Lauwhê tidaê, ma njac nanj sêkênj su têtj balêkoc, nanj oc sêtap njawapac atu sa têtj têtj dinanj. ¹⁸ Ateñ mbec bu gênj dinanj tap mac sa têtj ndoc uhô-nga dom. ¹⁹ Njahu bu njawapac njandô nanj bu sa têtj têtj dinanj, nanj oc hóc gêlêc njawapac honj nanj sêhóc asê nom têtj têtj nanj Anötö kênj undambê ti nom e kwahic dec, ma tijambu oc sa bocdinanj tijham dom. ²⁰ Magoc Pômdau oc kênj ndoc dinanj

tiapê tu bu nem lau nan inj kêyalin sa su, nan sa-nga. Bu mba, goc lau hon oc sêninga.

²¹ “Têñ ndoc dinan ngac dan bu sôm têñ mac bu, ‘Alic, Mesaya dau dindê,’ me ‘Alic, Mesaya dau dindê,’ nan akêñ whin ngac dom. ²² Lau nan sênsau bu ngac Mesaya, ma propet tasan oc sêmen ma sêkôm gêñ dalô ti gêñ atu-tu bu sênsau lau. Ma ngac oc sênsahê bu sêtim lau nan Anötö kêyalin ngac sa, nan sêwhin. ²³ Aö gakêñ puc mac gwanan, ma bocdinan ayob daôm njapep.”

*Namalac ndê Atu ndê bêc mbu men-nga
(Mat 24:29-36; Luk 21:25-33)*

²⁴ Ma Yisu sôm, “Ndoc njawapac-nga dinan oc pacndê, ma tinambu lau oc sêlic gêñ dalô atu-tu. Ac oc nem ganduc ma ayô oc njawê tiyham dom. ²⁵ Ma tata oc sêpen akêñ umbon, ma gêñ ti njac lai nan sêlhac umbon oc wiwic sa. ²⁶ Ma tinambu lau oc sêlic Namalac ndê Atu men ndöc dao njahô ti ndê njac lai ma njawasi atu. ²⁷ Ma inj oc êñkin ndê anjela sêsa sêtên nom njabatin ti undambê njabatin hon sêndi, bu sêndic lau nan inj kêyalin ngac sa su, nan sa.

²⁸ “Gauc nem a lan. Têñ ndoc mac alic njalaun wakuc bu léc, nan mac anjalê bu ndoc ac-nga men kêpin. ²⁹ Ma bocdinan têñ ndoc mac alic gêñ nan aö gasôm yom pi, nan hóc asê, dec anjalê bu Namalac ndê Atu ndê bêc mbu men-nga men kêpin su, gitôm inj men kalhac gatam. ³⁰ Yomandô! Lau tèm dinan-nga oc sêninga dom e gêñ hon dinan hóc asê. ³¹ Undambê ti nom oc ninnga, magoc anen yom oc ninnga dom. Gêñ hon oc njandô sa tøm aö gasôm.”

*Lau dan sênyalê Yisu ndê bêc mbu meŋ-ŋga dom
(Mat 25:13-15)*

³² Ma Yisu sôm, “Lau dan sênyalê bêc me acgatu nanŋ Ŋamalac ndê Atu oc mbu meŋ, nanŋ dom. Anjela undambê-ŋga sênyalê dom, Anötö ndê Atu kêyalê dom, Damanŋ tawasê kêyalê. ³³ Bocdinaŋ anem ali ma ayob daôm ŋapep! Mac am gauc têm nanŋ bêc ŋambu-ŋga dau oc meŋ sa. ³⁴ Gitôm andu ŋadau danŋ bu sa ndi lic gameŋ ŋatô. Inŋ hu ndê andu siŋ ma kêŋ inŋ ndê lau akinŋ sêwêkainŋ si gwelenŋ têtêtêŋ. Ma inŋ oc sôm têtêŋ ŋgac yob gatam-ŋga, bu inŋ nem ali ma tatiŋ gameŋ ŋapep e inŋ mbu meŋ. ³⁵ Bocdinaŋ anem ali, bu mac anjyalê ndoc nanŋ andu ŋadau oc mbu meŋ, nanŋ dom. Inŋ oc hôc asê têtêŋ telha me timaniŋhu, me dalec taŋ, me bêbêc ganduc, nanŋ mac anjyalê dom. ³⁶ Ayob daôm ŋapep, mboe inŋ oc mbu meŋ ŋagahô, ma tap mac sa ayêc bêc ayêc. ³⁷ Yom nanŋ aô gasôm têtêŋ mac, nanŋ dec wasôm têtêŋ lau honŋ bocdinaŋ. Anem ali!”

14

*Sêkic yom bu sêndic Yisu ndu
(Mat 26:1-5; Luk 22:1-2)*

¹ Lau Israel si †Mwasinŋ Pasowa ti †Mwasinŋ Bolom Yist Mba-ŋga ŋandoc meŋ kêpiŋ, ma bêc lu yêc dôŋ yêc. Ma dabuŋ-siga atu-tu ti lau nanŋ sêndôhônŋ yomsu-ŋga sêŋsalê lêtêŋ danŋ bu sêkôc Yisu dôŋ gelec ma sêndic inŋ ndu. ² Tigenŋ sêhêgo dau ma sêsôm, “Dakôm têtêŋ Mwasinŋ Pasowa-ŋga ŋandoc dom, mboe lau daêsam nanŋ sêmbô Jerusalem tu om atu Pasowa-ŋga, nanŋ oc sêlic ma sêli dau sa.”

Awhê danj gêm oso Yisu
(Mat 26:6-13; Luk 7:36-50; Jon 12:1-8)

³ Têñ tēm dinan̄ Yisu mbo malac Betani, ma gêñ gêñ ndöc whin̄ ngac dan̄ ñaê Saimon. Muñ-nga in̄ ngac ti gêmbac leprasi. Yisu ndöc tebo ma awhê dan̄ meñ, nan̄ kôc bu ñamalu ñayham ñaôli atu sip kac dan̄. In̄ kac gêñ dau sa, ma kêc gêñ malu dau pi Yisu ndê ñagôlôn. ⁴ Lau ñatô sêlic dec tac ñandê têtñ awhê dau, ma sêsôm, “Tu sake-nga in̄ kêyain̄ gêñ ñamalu dinan̄? ⁵ Gitôm bu dakêñ têtñ lau sênemlhi ma datap awa atu sa, ma dakêñ têtñ lau ñalôm sawa. Ñaôli dau oc hôc gêlêc ñaôli tu gwelen̄ yala sambuc-nga su.” Ma sêhec yom in̄ ñalêñ sac.

⁶ Magoc Yisu sôm, “Ahu in̄ sin̄ ma akêñ ñawapac têtñ in̄ dom. In̄ kôm gêñ ñayham solop têtñ aö. ⁷ Lau ñalôm sawa oc sêmbo sêwhin̄ mac ñapan̄, ma bocdinan̄ dec tēm bocke mac bu atac whin̄, nan̄ oc tôm bu mac anem ñac sa. Tigen̄ aö oc wambo wawhin̄ mac ñapan̄ dom. ⁸ Awhê dindéc gitôm bu êmwasiñ aö ñalêñ dinan̄, dec kôm. In̄ kêc gêñ ñamalu pi aö, dec tôm in̄ kêmasañ aö neñ ñamlic gwanañ tu sêñsuhun̄ aö-nga. ⁹ Yomandô aö wasôm têtñ mac, bu tiñambu lau oc sêhoc ñawaê ñayham asê yêc gameñ hon̄, ma têtñ dinan̄ ñac oc sêsôm yom pi awhê dindéc ma lau oc gauc nem in̄.”

Judas sôm tidôn̄ bu hoc Yisu asê
(Mat 26:14-16; Luk 22:3-6)

¹⁰ Têtñ ndoc dinan̄ Judas Iskeriot, ñgacsêñomi 12 si dan̄, têtñ dabun̄siga atu-tu gi ma sôm bu in̄ oc hoc Yisu asê têtñ ñac. ¹¹ Ñac sêngô in̄ ndê yom ti atac ñayham, ma sêsôm tidôn̄ bu sênemlhi in̄. Bocdinan̄ in̄ kêsalê lêtñ tu bu hoc Yisu asê-nga.

*Yisu ndê ngacsênomi sêmasaŋ Mwasinŋ Pasowa-nga
(Mat 26:17-19; Luk 22:7-13)*

¹² Têŋ Mwasinŋ Bolom Yist Mba-nga ŋabêc ŋamata-nga, bêc naŋ lau Israel-nga sic domba Pasowa-nga ndu, naŋ ngacsênomi sêsôm têtŋ Yisu bu, “Am tac whinŋ bu yac amasaŋ Mwasinŋ Pasowa bu am neŋ whinŋ yac-nga yêc nde?” ¹³ Dec Yisu kêkinŋ ndê ngacsênom lu ma sôm têtŋ inŋlu, “Asôc malac Jerusalem andi, ma amlu oc atap ngac daŋ sa naŋ kêbalaŋ bu lôŋ daŋ. Awhinŋ inŋ atêtŋ inŋ ndê ŋadau ndê andu andi. ¹⁴ Ma asôm têtŋ andu ŋadau, ‘Alu mba kêdôhônŋwaga ndac am tu andu ŋalôm ŋacleŋ-nga, bu inŋ ti ndê ngacsênomi bu sêneŋ Mwasinŋ Pasowa-nga yêc am nem andu.’ ¹⁵ Ma inŋ oc tôc ŋalôm atu daŋ yêc andu dau ŋahô-nga têtŋ amlu. Tebo ti gêtŋ honŋ tu yac danenŋ Mwasinŋ Pasowa-nga yêc ŋalôm dau, goc amasaŋ gêtŋ yêc dinaŋ.” ¹⁶ Goc sênom lu dinaŋ sêsôc malac si, ma sêtap gêtŋ honŋ sa tôm Yisu sôm su, ma sêmasaŋ Pasowa.

*Yisu sôm asê bu ngac daŋ oc hoc inŋ asê
(Mat 26:20-25; Luk 22:21-23)*

¹⁷ Têtŋ ac gi su Yisu ti ngacsênomi 12 sêtêtŋ andu dau si. ¹⁸ Ŋac sêndöc ti seŋ gêtŋ sêmbo, ma Yisu sôm, “Yomandô aô wasôm têtŋ mac, bu mac nem daŋ oc hoc aô asê. Ngac dau kwahic dec ndöc ma gêtŋ gêtŋ whinŋ aô.” ¹⁹ Yom dau kôm ŋac sêsö, ma ŋalôm ŋawapac atu, ma ŋac tigenŋ-tigenŋ sêsôm têtŋ inŋ, “Mboe aô, a? Mba!” ²⁰ Goc inŋ sôm têtŋ ŋac, “Ngac dau inŋ mac lau 12 nem daŋ, ma kwahic dec alu aŋ gêtŋ sip pele tigenŋ. ²¹ Gêtŋ dau oc ŋandô sa pi Ŋamalac ndê Atu, tôm yom naŋ sêto yêc. Tigenŋ ngac naŋ hoc aô

asê, nanj oc tap njawapac atu sa, ma tu dinanj-nga inj dinda bu kôc inj dom, dec oc njayham.”

Yisu gic hu Mwasinj Dabun
(Mat 26:26-29; Luk 22:15-20)

²² Têj tēm njac seņ gēj sēmbo, nanj Yisu kôc bolom, gēm mbec, pô kôc-kôc, ma gic sam tēj njac. Ma inj sôm, “Akôc sa loc, aö neņ njandô dau dindec.” ²³ Ma inj kôc laclhu wain-nga daņ ma gēm dange, goc kēj tēj njac ma njac hoņ sênôm. ²⁴ Inj sôm tēj njac, “Aö neņ dac wamatiņ pwac-nga dau dec, nanj wakêc siņ tu lau daêsam-nga. ²⁵ Yomandô aö wasôm tēj mac bu aö oc wanôm wain tiyham dom e Damanj ndê gôliņ meņ sa tiawê, ma tēj ndoc dinanj aö wanôm tiyham.”

²⁶ Tiņambu njac sem wê daņ, ma sêlhö sêsa sêtēj Lôc Olib si.

Yisu sôm bu Pita oc sêc inj ahuc
(Mat 26:31-35; Luk 22:31-34)

²⁷ Ma Yisu sôm tēj njac, “Mac hoņ oc ahu aö siņ, tôm yom nanj sêto yêc bocdec bu, ‘Aö oc waseņ njac yob domba-nga, ma domba oc sêlhö babalip.’ ²⁸ Magoc tiņambu aö watisa tiyham, ma wamuņ mac watēj gameņ Galili-nga wandi.” ²⁹ Dec Pita sôm tēj inj, “Njac hoņ bu sêhu am siņ, tigenj aö wahu am siņ dom.” ³⁰ Ma Yisu ô yom ma sôm, “Aö wasôm yomandô bu ôbwêc dau dindec am oc sêc aö ahuc tidim tö su, goc dalec oc taņ tidim lu-nga.” ³¹ Tigenj Pita sôm yom ti nanga, “Mba! Gitôm sêndic aö ndu wawhiņ am, aö oc wasêc am ahuc dom.” Ma njac hoņ sêsôm yom kainj tigenj.

*Yisu tenj mbec mbo ôm Getsemani
(Mat 26:36-46; Luk 22:39-46)*

³² Nac sêsa si e sêhóc asê ôm †olib-nga dan, ôm nanj sêsam bu Getsemani, ma Yisu sôm têj ndê ngacsêjomi, “Andöc dec ma aö watenj mbec.” ³³ Goc inj kôc Pita, Jems ma Jon sêwhinj inj si, ma sêhu ngacsêjomi njatô sinj. Têj ndoc dinanj Yisu ndê njalôm njawapac atu ma inj pô sim dau njandô. ³⁴ Inj sôm têj njac, “Aö nenj njalôm kêsahê njawapac atu, kêpinj bu oc wambac ndu. Mac andöc dec ma anem ali.” ³⁵ Goc inj hu njac sinj ma sa njasawa saunj gi. Inj hu dau sip nom gi ma tenj mbec, bu nditôm goc Anötö nem inj sa bu ênjêc têm hóc njandê-nga nanj oc hóc asê inj. ³⁶ Inj sôm, “Damanj, O Damanj, am gitôm bu kôm gêj honj. Kôc laclhu njawapac-ñ ga dindec su yêc aö. Magoc êmkuc aö nenj atac whinj dom, kôm tôm am daôm nem atac whinj bu kôm.”

³⁷ Inj tenj mbec su, dec mbu gi ma tap sa bu ngacsêjomi sêyêc bêc sêyêc. Goc inj unj njac sa ma sôm têj Pita, “Saimon, bocke dec am yêc bêc? Am gitôm dom bu nem ali tôm acgatu njasawa tigenj, a?” ³⁸ A nem ali ma atenj mbec bu létôm tap mac sa dom. Mac nem gatôm licbalê, tigenj njamlic kwapac.”

³⁹ Goc Yisu sa gi, ma tenj mbec tigenj dinanj tiyham. ⁴⁰ Pacndê, goc inj mbu gi ma gêlic njac sêyêc bêc, bu njac tandô hê njac sa njandô. Ma njac sêpônnda yom tu sêsôm têj inj-nga. ⁴¹ Goc inj gi ma tenj mbec tidim tö-nga. Ma têj ndoc inj mbu têj njac tiyham, nanj inj sôm, “Tu sake-nga mac ayêc bêc ti anjwhanj daôm njapanj? Gitôm! Ndoc menj hóc asê su bu sêhoc Njamac ndê Atu asê ma sêkêj inj sip lau sac amba.

42 Atisa ma dandi! Alic ngac nan hoc aö asê dec meŋ su.”

Sêkôc Yisu dôŋ

(Mat 26:47-56; Luk 22:47-53; Jon 18:3-11)

43 Yisu sôm yom dinaŋ mbo, ma Judas, ngacsêŋomi 12 si danŋ hóc asê whiŋ lau daêsam nan sêhóc bien ti siŋ. †Dabuŋsiga atu-tu ti kêdôhônŋwaga yomsu-ŋga ma lau bata sêŋkiŋ lau toŋ dinaŋ sêwhiŋ Judas sêmeŋ. 44 Judas kêŋ puc lau d au gwananŋ su, ma sôm, “Ngac nan mac anŋsalê, nan aö oc wanŋutô inŋ bu watôc inŋ asê têŋ mac. Akôc inŋ dôŋ ma akêŋ lau sêyob inŋ, goc awê inŋ sa andi.”

45 Bocdinaŋ têŋ ndoc Judas hóc asê, nan inŋ têŋ Yisu solop gi ma sôm, “Kêdôhônŋwaga,” ma ngutô inŋ.

46 Dec lau nan sêwhiŋ Judas, nan sêkôc Yisu dôŋ.

47 Yisu ndê lau sêlhac sêmpinŋ inŋ, ma ŋac si danŋ puc ndê bien sa ma pa dabuŋsiga atu ndê ngac akinŋ ndê danŋgalauŋ danŋ su.

48 Goc Yisu sôm, “Bocke dec mac akôc bien ti gêŋ siŋ-ŋga ma asa amenŋ bu akôc aö dôŋ gitôm ngac kaŋ danŋ? 49 Tôm bêc honŋ aö gambo gawhiŋ mac ma kadôhônŋ lau yêc lôm dabuŋ ŋabatêmdö, magoc mac akôc aö dôŋ dom. Tigenŋ gêŋ nan mac akôm kwahic dec, nan kôm Anötö ndê yom nan sêto yêc, nan ŋandô sa.”

50 Têŋ dinaŋ Yisu ndê lau honŋ sêhu inŋ siŋ ma sêlhô si. 51 Ngac batac danŋ kêkuc Yisu ma mbo whiŋ inŋ ti ndê lau têŋ ôbwêc dinaŋ, ma inŋ puc po ŋambwa. Lau siŋ bu sêlô inŋ dôŋ, 52 tigenŋ inŋ hu ndê po siŋ yêc ŋac si amba, ma kôlhö ŋamlic ŋambwa gi.

*Lau bata Israel-nga sêmatôc Yisu
(Mat 26:57-68; Luk 22:54-55, 63-71; Jon 18:12,
13, 19-24)*

⁵³ Dabuņsiga atu-tu Israel-nga, ti lau bata ma kêdôhônwaga yomsu-nga honj sêkac sa sêmbo dabuņsiga ņamata-nga ndê andu. Ma lau nanj sêkôc Yisu dônj sêwê inj sêtêj andu dau si. ⁵⁴ Pita kêsêlêj kêkuc Yisu mbo ahê, e gi sôc dabuņsiga ņamata-nga ndê andu ņatunlôm gi. Ma inj ndôc sic whinj lau sinj sêyob lôm dabuņ-nga ņatô ma kêsulu ya.

⁵⁵ Dabuņsiga atu-tu ma lau bata honj nanj sêndôc Sanedrin si tonj, nanj sêņsalê yom bu sêņgôlinj pi Yisu ma sêkêj inj sip lau Rom-nga amba bu sêndic inj ndu. Magoc sêtap yom danj sa dom. ⁵⁶ Bu lau daêsam sêtisa bu sêhoc yom tasanj asê pi Yisu, magoc ņac honj si yom so dau. ⁵⁷ Tinjambu lau ņatô sêtisa, ma sêkêj yom tasanj pi inj bocdec bu, ⁵⁸ “Yac anjgô ņgac dau sôm, ‘Lôm dabuņ nanj ņamalac sêkwê sa, nanj aô oc wasenj su. Ma têj bêc titô-nga aô oc wakwê andu wakuc danj sa, nanj gitôm andu nanj ņamalac sêkwê, nanj dom.’ ” ⁵⁹ Magoc ņac tigenj-tigenj si yom so dau tiyham.

⁶⁰ Goc dabuņsiga ņamata-nga tisa kalhac ņalhu, ma ndac Yisu, “Am ņgô yom dê sêņgôlinj pi am, me? Am bu ô yom, me mba?” ⁶¹ Tigenj Yisu gêm dau dônj ma ô yom dom. Goc dabuņsiga dau ndac inj tiyham, “Am Mesaya dau, Anötô Atunjgac, me mba?” ⁶² Ma Yisu sôm, “Aêc, aô daunj dindec. Ma tinjambu mac oc alic ņamalac ndê Atu ndôc Anötô ņaclai ņadau ndê amba andô-nga, ma sip mej ndôc dao ņahô.”

⁶³ Têj ndoc dabuņsiga ņamata-nga ņgô yom dinanj, nanj tac ņandê atu dec kêc dau ndê ņakwê

kic ma sôm, “Yac dapônnda yom dan tu tanğôliņ pi in-ņga dom. ⁶⁴ Yom nan in sôm pi dau, nan sac sambuc! Mac anğô su, ma mac gauc gêm bocke?” Ma ñac hoņ sêsôm pitigen bu in mbac ndu. ⁶⁵ Lau ñatô sêhu gasôp pi in. Ñac sêkic in tandô ahuc ña po, goc sêtap in ma sêsôm, “Am bu propet, nan sôm asê bu asa gic am.” Ma lau siņ-ņga sêkôc in sêsa si, ma sêhi in ña sô.

Pita sêc Yisu ahuc

(Mat 26:69-75; Luk 22:54-62; Jon 18:15-18, 25-27)

⁶⁶ Têņ têm dinaņ Pita mbo andu dau ñamakê, ma dabuņsiga ñamata-ņga ndê awhê akiņ dan kêsêlêņ meņ. ⁶⁷ In gêlic Pita kêsulu ya mbo, goc tahê in ma sôm, “Am ñgac nan kêkuc Yisu Nasaret-ņga whiņ.” ⁶⁸ Magoc Pita pa dau ma sôm, “Mba, aô kayalê am nem yom ñahu dom.” Dec in tisa gi kalhac kêpiņ tuņlôm ñagatam.

⁶⁹ Malô goc awhê akiņ dau gêlic in tiyham, ma sôm yom kaiņ tigen têņ lau nan sêlhac sêmpin, “Alic ñgac kêlê. In Yisu ndê lau si dan.” ⁷⁰ Magoc Pita pa dau tiyham. Ñasawa sauņ ma lau nan sêlhac dindê, nan sêsôm, “Am ñgac Galili-ņga. Yomandô, am ñac si dan.” ⁷¹ Magoc Pita sôm ti ñaņga, “Mba! Aô bu wasôm yom tasan, nan goc Anötô ndic aô. Aô kayalê ñgac nan mac asôm yom pi in, nan dom andô!” ⁷² Ma ñgahô dalec taņ tilu-ņga, dec Pita gauc gêm Yisu ndê yom bu in oc sêc in ahuc tidim tö su, goc dalec oc taņ tidim lu-ņga. Ma in taņ dau ndu-ndu.

15

Pailot kêsu Yisu

(Mat 27:11-26; Luk 23:2-3, 18-25; Jon 18:29-19:16)

¹ Têñ bêbêc ganduc, dabuñsiga atu-tu ti lau bata ma lau nañ sêndôhôn yomsu ti lau †Sanedrin-nga hon si ñalôm tigen tu gêñ bocke bu sêkôm têñ Yisu-nga. Goc sêsô in amba dôñ ma sêwê in sêtên Pailot si. ² Ma Pailot ndac in, “Am lau Israel-nga si kin, a?” Goc Yisu ô yom ma sôm, “Tôm nañ am daôm sôm.” ³ Têñ dinan dabuñsiga atu-tu sêngôlin yom daêsam pi in. ⁴ Dec Pailot ndac in tiyham, “Am oc ô ñac si yom, me mba? Ñac sêngôlin yom daêsam pi am.” ⁵ Tigen Yisu ô yom dom, dec Pailot hêdaê.

⁶⁻⁷ Têñ têm dinan ñac dan ndöc gapocwalô, nañ ndê ñaê Barabas. Muñ-nga lau ñatô sêli dau sa têñ lau Rom-nga nañ sem gôlin lau Israel-nga, ma sic lau ñatô ndu. Magoc lau Rom-nga sêkôc ñac dôñ ma sêkên ñac sêndöc gapocwalô. Ma Barabas in ñac si dan.

Tôm yala hon têñ ndoc lau Israel-nga si om atu Mwasin Pasowa-nga hôc asê, nañ Pailot kêkuc lên dan bocdec bu. Lau Israel-nga oc sêndac ñac gapocwalô-nga dan, dec in oc êñgapwêc in su têñ ñac. ⁸ Lau daêsam nañ sêkac dau sa têñ ndoc Pailot kêsahê Yisu, nañ sêndac in bu êñgapwêc ñac gapocwalô-nga dan su êñkuc ñagôlin dinan. ⁹⁻¹⁰ Pailot kêyalê bu dabuñsiga atu-tu sem lêmun Yisu ñambwa, ma tu dinan-nga dec sêwê Yisu sêtên in sêmen. Bocdinan in gauc gêm bu êñgapwêc Yisu su, dec

ndac ñac, “Mac atac whiñ bu aö wahu Kiñ Israel-nga siñ têtñ mac, me mba?” ¹¹ Tigen dabunsiğa atutu sênğalôm lau toñ atu dinañ e sêndac Pailot bu hu Barabas siñ têtñ ñac. ¹² Goc Pailot ndac ñac, “Bocdinañ aö oc wakôm sake têtñ ñğac dindec, nañ mac asam bu lau Israel-nga si Kiñ?” ¹³ Ma sêmbwêc, “Ndic in pi a gicso dau!” ¹⁴ Magoc Pailot ndac ñac, “Tu sake-nga? In kôm giso bocke?” Magoc sêmbwêc ti ñaŋga, “Ndic in pi a!”

¹⁵ Pailot bu kôm lau atac ñayham sa, dec gôlôc bu êngapwêc Barabas su têtñ ñac. Ma in kêkiñ Yisu têtñ lau siñ-nga bu sêhi in ña sô, ma sêndic in ndu pi a gicso dau.

*Lau siñ-nga sêsu Yisu susu
(Mat 27:27-31; Jon 19:2-3)*

¹⁶ Lau siñ-nga sêwê Yisu sêsa Pailot ndê andu ñamalacôm si, ma sêta yom bu lau siñ-nga hon sêkac sa. ¹⁷ Goc sêkêñ Yisu sôc ñakwê kokoc baliñ tôm kiñ sêsôc, ma sêwhê wac kêm ma sêkêñ in uñ gitôm sunsun. ¹⁸ Goc ñac sic hu sêmbwêc in, “Ei! Datoc lau Israel-nga si kiñ dindec sa mañ!” ¹⁹ Ma ñac sêkôc a dañ ma sic in pi ñagôlôn tidim daêsam, ma sêhê gasôp pi in. Sêpôn haduc têtñ in, ma sêñsau bu sêtoc in sa. ²⁰ Sêsu in susu pacndê, goc sêkôc ñakwê baliñ dinañ su, ma sêkêñ in sôc dau ndê ñakwê sa tiyham. Ma sêwê in sêsa malac Jerusalem ñamakê si, bu sêndic in ndu pi a gicso dau.

*Sic Yisu pi a gicso dau
(Mat 27:32-44; Luk 23:26-43; Jon 19:17-27)*

²¹ Lau siñ-nga sêwê Yisu sêmbo señ, ma ñğac dañ kêsêlêñ mbo señ akêñ gameñ ñamakê-nga meñ. Ma

sêkac in bu hôc Yisu ndê a gicso dau. Ngac dau ndê ñaê Saimon. In Aleksanda lu Rupas damba, ma in ndê malachu Sairin. ²² Sêwê Yisu sêsa si e sêhóc asê gameñ nañ sêsam bu Golgota. (Ñaê dau danem kwi bu ‘Gameñ Ñakêcyha-nga.’) ²³ Lau siñ-nga bu sêkêñ wain ti bu ñamakic têt Yisu nôm, magoc in tec. ²⁴ Bocdinañ sêhu siñ, ma sic in pi a gicso dau. Ma tiñambu sêwhê in ndê ñakwê kôc ma sêpuc gapoc bu sêlic asa oc kôc ñakwê bocke.

²⁵ Ñac sic in pi a gicso têt bêbêc, acgatu gitôm 9 kilok. ²⁶ Ma yom nañ lau bata Israel-nga sêngôlin pi in, nañ sêto pi bapia dañ, nañ sôm, “Lau Israel-nga si Kiñ.” ²⁷⁻²⁸ Ñac sic ngac sac lu pi a gicso dau sêwhiñ, dañ kêgalêñ Yisu amba andô-nga, ma dañ kêgalêñ gasê-nga. ²⁹ Lau nañ sêñsêlêñ si sêmeñ, nañ sêndahiñ ñasu ma sêtañ bôlê Yisu. Sêsôm, “Ei. Am ngac nañ sôm bu señ lôm dabuñ su ma kwê sa tiyham tôm bêc tö. ³⁰ Dec sip akêñ a gicso dau mweñ, ma nem daôm sa!” ³¹ Ma dabuñsiga atu-tu ti kêdôhônwaga yomsu-nga bocdinañ sêsu in susu ma sêsôm têt dandi, “In gêm lau daêsam sa, tigen gitôm dom bu nem dau sa. ³² Yac bu alic Mesaya, lau Israel si kiñ dindec-nga, sip akêñ a gicso dau meñ, dec yac oc akêñ whiñ in.” Ma ngac lu nañ sic pi a gicso sêwhiñ Yisu, nañ sêsu in susu bocdinañ.

Yisu mbac ndu

(Mat 27:45-56; Luk 23:44-49; Jon 19:28-30)

³³ Têt ac kalhac lhu, ñasec atu gêm gameñ sambuc ahuc e acgatu gitôm 3 kilok telha-nga. ³⁴ Ma têt 3 kilok Yisu mbwêc awha atu, “Eloi, Eloi, lama sabaktani?” (Yom dau danem kwi bu, ‘Aö neñ Anötö, aö neñ Anötö, tu sake-nga am hu aö siñ?’)

³⁵ Lau naŋ sêlhac sêmpin, naŋ sêngô in ɲapep dom ma sêsôm, “Anğô, in ta propet Elaija.” ³⁶ Ma ɲgac daŋ kêtî gi kêŋ sôwam daŋ sip wain ɲamakic, ma sô dôŋ pi a baliŋ daŋ. Goc in puc pi Yisu whasuŋ bu in nôm ma sôm, “Dahu in siŋ ma dalic, Elaija oc sip meŋ ma kôc in su, me mba.”

³⁷ Têŋ têm dinaŋ Yisu mbwêc awha atu ma mbac ndu. ³⁸ Ma têtî dinaŋ po baliŋ naŋ kêgalêtî lôm dabuŋ ɲalôm, naŋ dau kic gi lu, kalhac ɲahô ma gi têtî ɲapu-ɲga. ³⁹ Ma ɲgac bata siŋ-ɲga naŋ kalhac Yisu aŋgô-ɲga, naŋ gêlic in ndê mbac ndu ɲalêtî, goc sôm, “Yomandô, ɲgac dindec in Anötö ndê Atu.”

⁴⁰ Lauwhê ɲatô sêlhac ahê ma sêlic gêtî hoŋ dinaŋ. Maria Magadala lu Maria naŋ Jems saun lu Joses dinda, ma Salome sêmbo sêwhiŋ ɲac. ⁴¹ Muŋ-ɲga, têtî têm Yisu mbo gameŋ Galili-ɲga, naŋ lauwhê dinaŋ sêŋkuc in, ma sem akiŋ in. Ma lauwhê daêsam naŋ sêpi Jerusalem sêwhiŋ Yisu, naŋ sêlhac sêwhiŋ ɲac.

*Josep kêŋ Yisu ndê ɲamlan yêc hoc ɲasuŋ
(Mat 27:57-61; Luk 23:50-56; Jon 19:38-42)*

⁴² Bêc naŋ sic Yisu ndu, naŋ lau Israel-ɲga si bêc sêmasaŋ dau tu Sabat-ɲga.* Bocdinaŋ têtî telha, ⁴³ ɲgac bata Israel-ɲga daŋ ɲaê Josep gauc gêm bu êŋsuhuŋ Yisu ɲamlan. Josep in ɲgac akêtî malac Arimatiya-ɲga, ma in lau Sanedrin-ɲga si ɲgac ti-waê daŋ naŋ kêŋ bata Anötö ndê gôliŋ bu meŋ sa tiawê. In ndê ɲalôm pêtî dôŋ, dec têtî Pailot gi ma ndac Yisu ndê ɲamlan. ⁴⁴ Yom dau kôm Pailot

* **15:42:** Lau Israel sêsôm bu têtî ndoc ac gi sip têtî bêc naŋ muŋ bêc Sabat-ɲga, naŋ têm dau gic hu bêc Sabat-ɲga. Bocdinaŋ ɲac bu sêŋsuhuŋ lau batê muŋ ac ndi sip.

sö, ñahu bu in kÿyalê dom bu Yisu mbac ndu su. Bocdinañ in ta lau siñ si ñgac bata ma ndac in bu Yisu mbac ndu su, me mba. ⁴⁵ In tap sa bu Yisu mbac ndu su, dec gôlôc tÿñ Josep bu kôc Yisu ndê ñamlañ sa ndi êñsuhun. ⁴⁶ Josep kôc po ñayham dañ nañ in gêmlihi mun su, goc sa gi ma kôc Yisu su yêc a gicso dau, ma kêpañ in ahuc ña po dau. Ma in kôc in sa gi ma kêñ in yêc sêhôn nañ lau sêlêñ gwanan su yêc hoc ñalôm. Goc in kêpi hoc dañ gi ndôc sê awha dau ahuc. ⁴⁷ Maria Magadala lu Joses dinda Maria sêlic Josep kêñ Yisu ndê ñamlañ yêc hocsun dinañ.

16

Yisu tisa

(Mat 28:1-10; Luk 24:1-12)

¹ Bêc Sabat-nga meñ gi su, goc Maria Magadala lu Jems dinda Maria, ma Salome semlihi gêñ malu bu sênem oso Yisu ndê ñamlañ. ² Têñ wake ñabêc ñamata-nga dinañ sêti tÿñ bêbêc ganduc bu sêtêñ sêhôn sêndi. Ac pi meñ su ma sêñsêlêñ sêmbo señ, ³ ma sêndac dandi, “Asa oc nem yac sa ma êmpi hoc nañ yêc sê awha, nañ su?” ⁴ Tiger sêhôn tandô sa, ma sêlic hoc atu dau yêc sê awha dom. ⁵ Bocdinañ dec sêsôc sêhôn ñalôm si. Sêlic ñgac batac dañ nañ sôc ñakwê sêsêp, ma ndôc andô-nga, dec sêsô ñandô. ⁶ Magoc ñgac dau sôm, “Asô dom. Mac añsalê Yisu Nasaret-nga, nañ sic in ndu pi a gicso dau. In yêc dec dom, in tisa su. Alic mala nañ sêkêñ in yêc, nañ sawa. ⁷ Magoc andi ma asôm tÿñ in ndê sêñomi ma tÿñ Pita bu in oc mun mac tÿñ Galili ndi. Mac oc alic in yêc dindê, tôm yom nañ in sôm tÿñ mac mun su nañ.” ⁸ Yom dinañ kôm awê lu dau sêntitec ti

sêhêdaê ñandô. Sêsa akêñ sêhô, ma sêlhô sênti si. Magoc sêtöc dau dec sêsôm yom têtñ ñamalac danñ yêc senñ dom.

⁹ Têtñ têtñ Yisu tisa têtñ Sonda bêbêc, inñ hoc dau asê ti-ñamata-ñga têtñ Maria Magadala, awhê nanñ muñ-ñga inñ soc ñalau sac 7 su yêc inñ ñalôm. ¹⁰ Ma Maria gi ma sôm asê têtñ lau nanñ sêñkuc Yisu, nanñ sêkôm danñgibo ti sêtañ sêmbo. ¹¹ Maria sôm têtñ ñac bu inñ gêlic Yisu ma inñ mbo tali tiyham. Magoc ñac sêkêñ whinñ dom.

¹² Tinjambu Yisu ndê ñgac-sêñjom lu sêhu Jerusalem sinñ ma sêñsêlêñ sêmbo senñ, ma Yisu hoc dau asê têtñ inñlu gitôm ñgac anğô batac danñ. ¹³ Dec inñlu sêmbo si ma sic miñ têtñ sêñjomi ñatô, magoc ñac sêkêñ whinñ inñlu dom bocdinañ.

Yisu kêtñ gwelenñ têtñ lau nanñ sêñkuc inñ

¹⁴ Tinjambu ñgacsêñjomi 11 senñ gêtñ sêmbo sêwhinñ dau, ma Yisu hoc dau asê têtñ ñac. Ma inñ sôm ñac tu ñac si ñalôm ñadandi-ñga, bu sêkêñ whinñ lau nanñ sêlic inñ têtñ ndoc inñ tisa su, nanñ dom. ¹⁵ Goc inñ sôm têtñ ñac, “Atôm nom ñagameñ sambob andi, ma ahoc ñawaê ñayham asê têtñ lau hoñ. ¹⁶ Lau nanñ sêkêñ whinñ ma sêlinñ sanğgu, nanñ oc sêtap Anötö ndê mwasiñ nem ñac si-ñga sa. Magoc lau nanñ sêkêñ whinñ dom, nanñ oc sêtap inñ ndê matôc sa. ¹⁷ Ma Anötö oc kêtñ ñaclai têtñ lau nanñ sêkêñ whinñ, dec oc tôm bu sêkôm gêtñ dalô bocdec bu. Ñac oc sêkôm gwelenñ sênem aô anğonñ, ma sêsoc ñalau sac su yêc lau. Ñac oc sêsôm yom awha wakuc-ñga nanñ sêndôhônñ muñ su dom. ¹⁸ Ñac bu sêkôc mboc sac sip ñac amba me sênôm bu ñamalac, dec oc kôm ñac

sêtisac dom. Ma ñac oc sêkêñ amba sac lau gêmbac, ma sêkôm ñac ñayham sa.”

¹⁹ Yisu sôm yom dinañ têñ ñac su, goc Anötö kôc iñ su yêc nom. Iñ pi undambê gi, ma ndöc Anötö ndê amba andô-ñga. ²⁰ Ma iñ ndê sêñomi sêsa si, ma sêhoc ñawaê ñayham asê yêc gameñ hon. Ma Pômdau mbo whiñ ñac, ma kêñ ñaclai têñ ñac bu sêkôm gêñ dalô atu-tu tu bu puc yom nañ sêhoc asê, nañ dôñ-ñga.

Anötö ndê Yom Lêñsêḿ Wakuc
The New Testament in the Bukawa language of Papua
New Guinea

Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 21 Apr 2023 from source files dated 9 Oct 2020

545e5ca3-1e95-59e4-8380-93951e023cf7